

審慎錄單

審慎錄

目錄

檢式

初檢規式

定配物故檢式

定配朝官作故勿檢

士族婦女殺人者

匿埋已埋檢不檢

掘檢行否定式

違法掘檢

私和勿輕執職

辜限勿輕加定

同推

堂上朝官同推

三省推治

毆打後毆

弑夫二条

破瀦

降邑號勿罷守令

謀殺妻上典

離異

殺妻

九条

繫打邂逅

夫責妻自刺

投床誤觸

刃刺罵母之妻

辱舅自縊屍親變招

刃刺有子之妻

三女人讒妻乘憤毆打

醉怒妻訕拳踢

毆妻妾用律不可旁照

殺子 二條

父兄殺子弟用律

刺子誘人終又承款

殺弟 四條

不待時處斬

不待時處絞

焚燒同己之屍

縊殺不奔喪入賊黨之弟

殺兄嫂

殺侄婦

殺從弟

誣告嫡三寸叔

鬪毆殺死

藉主令踢人

貞女被誣打人

救父打人其女訟冤

棒糴時爭刺殺踢人

被攘劫奸女之父自縊

踢殺病人

實因傷處相左

因兄在逃第為正犯

同醉觸犯傷痕分明

仰卧踢殺將踞其上之人

自刺被刺之分

原謀共毆威力主使之分

私和變辭

為夫偕人復讎

乘醉誦符術誤打人

為女冤死打其姑姑自刺

兄弟推諉不爭死

咀咒之獄

疑以盜賊毆打

醉飽內傷等蹠實因捏合

為妹冤溺打殺其姑

打殺雇工兄弟爭死

夫為元犯妻投水

貞女打殺強暴者

子為元犯母投水

踢殺打其病弟之人

貞女刺殺醜誣之女

父被打子不極救

淫女之夫刺殺淫女

奸夫殺貞女

崔特赤獄判付

被打病
患之分

方世興獄判付

正犯不
傷處不
明的

審慎錄

檢式

初檢規式

某部爲初檢事刑曹甘結據部屬某坊某契居某役某姓名屍身部以初檢亦爲有等以某年某月某日某部某官某醫負某檢律某書負某一同停屍處某坊某契近處到彼爲乎矣上項某屍身已置於某處爲有去已移出路邊某方頭某方足仰臥在置結裹段空石幾立衣服段某衣一某袴一從其數某年某歲量身長幾許尺寸頭髮長幾許尺寸兩眼開合與否口齒開露與否兩臂伸直與否

兩手握與否兩脚伸直與否腹肚膨脹與否身體肉色變動與否是去乙用醋水法物翻轉洗淨檢驗爲乎矣同日推考次屍親某役某年被告入某役某年洞任某年白等刑曹甘結據某屍身部以初檢時矣徒等對衆看審則仰面段某傷處云云合面段某傷處云云是去乙用銀釵試驗皂角水楷洗伸入死人口中與殺道移時取出皂角水楷洗釵色變不變是白置相考處置教味白齊同日推考次屍親某年招辭云云被告入某年招辭云云同日推考次五家長某役某年某役某年某役某年某役某年某役某年白等刑曹甘結據某屍身乙部以初檢時矣徒等對

衆省審則仰合面傷處有無是遣與屍親某等招辭無加減相考慮置教味白齋爲等如刑曹甘結及各人等招辭是乎等以某實因致死爲有置屍帳并以粘連牒報爲去乎相考慮置爲只爲合行牒呈伏請云云

定配物故檢式

壬寅六月十八日檢教曰大抵配所物故亦聞人命死亡以是死必行檢檢必登聞法意槩可見矣然而道各異例或詳錄根因而更行覆檢或節該屍帳而只行初檢既畢同軌之義又欠雷獄之政該曹判堂取考各道啓本從詳從畧間指一定式後軍記仍又校舉知委俾爲準此遵行事式例一通後錄行會依此舉行

某邑爲牒報事今月某日本縣某面某里居某進告內其

矣處保授是在某道某邑來定配罪人某自某月某日得
某病某日某時量仍爲物故是如爲有等以取考配案則
罪人某以某罪某年月日到付已仍于率衆檢驗各人等馳
到本縣某面某里致死人某停屍處對衆檢驗次四方以
官尺尺量則東至某處幾尺西至某處幾尺南至某處幾
尺北至某處幾尺初蓋某物撤去次衣服某件等物着持
某方頭某方身已仰臥致死爲有去已作作某已用良次
次解脫以醋糟法物翻轉洗身對衆檢驗爲乎矣年可某
歲量男人或女人身長幾許頭髮長幾許兩眼口齒兩手
脚云云其餘屍體形症與變動肉色隨現詳錄仰合面傷

處有無及刑杖痕鍼灸痕舊瘡痕亦皆隨所存詳錄是遣
試用銀釵以皂角水揩洗押入死人口中與穀道移時取
出皂角水揩洗釵色變不變實因因何致死的實是齊推
考次某年月日保授主人某年幾許白等汝矣身保授是
在定配罪人某致死委折從實直告亦推問教是卧乎在
亦招辭云云教味白齊同日切隣某等年幾許白等汝矣
洞人某處保授是在定配罪人某致死委折從實現告亦
推問教是卧乎在亦招辭云云教味白齊同日戶長記官
刑房醫生律生將校保授主人切隣作保某某等年幾許
除問目招今此物故罪人某屍身檢驗時矣徒等隨叅省

審則仰合面傷處有無云云因何物故的實教味爲等如
各人等招辭是置有亦上項物故罪人屍身依例檢驗後
縣上某字號屍帳兩件印出一件縣上一件粘連上使事
云云

定配朝官作故勿檢

英宗二十八年

壬申

教曰子曰使臣以禮古人云士可殺

不可辱今因而乃覺此後關係鞠獄外定配物故中宗勲
之臣及文蔭武下大夫以上曾經侍從之臣勿爲檢驗事
載於受教

大典通編鞠獄外定配宗勲文蔭武下大夫以上
及曾經侍從臣離物故勿爲檢驗○士族婦女同

士族婦女殺人者

四十年

甲申

親鞠時教曰故貳相李貴言若非霍顯王章

之及於婦人其宜審慎此後勿論正職雜職其妻及名以
兩班者之妻雖犯殺人而正法勿爲檢驗事定武舉行

匿埋已埋檢不檢

四十七年

辛卯

教曰檢驗雖不實詞證俱備則不當追檢

况已埋者乎噫周文其猶掩骼今則至於白骨檢驗予則
曰當之者無異再被殺而或有不償命者事之殘忍莫此
爲甚此後殺人而匿埋者依例檢驗後自官埋置其他已
瘞者勿檢事載於受教

掘檢行否定式

出陵行狀健

正宗元年

丁酉夏

親行禱雨于社壇田鑾翌日

親臨䟽

決

命京外殺獄掘檢之法一遵

兩朝受教著爲式初

肅宗以京外殺獄不得掘檢有數十年不決瘞死獄中者

命開檢一從無寃錄

英宗又教以周文猶掩骼白骨檢

驗無異再被殺凡匿埋者檢驗已瘞者勿檢有司錯認以

掘檢之禁京外不敢開檢廷臣屢以爲言王取覽兩

朝受教教曰先朝下教中已瘞勿檢者非禁掘也卽指

白骨檢驗也匿埋檢驗者卽肅祖受教不當新定令甲

只依兩朝受教遵而行之或有年數已久者無得輕自

開檢啓聞後施行

違法掘檢

二十一年丁酉晉州私奴大已獄判付內此獄掘檢之獄也常漢之藁葬卽永葬不可以卽時掩土歸之於匿埋然而成獄之道臣已爲作故雖不別有處分而丁酉所下受教援據兩朝下教著爲一定之式則卿等回啓之不爲措辭難免不審推考爲玆此後另加着念而若有不得不掘檢事依受教定式啓聞後爲之事申明嚴飭諸道爲玆本獄以檢驗則四朝發變之後也以傷損則一處疑似之痕也此皆置之當初使之開檢終非法意法外之獄何可

論他乎原案又周下送

私和勿輕執贓

六年

壬寅

因順興金致乞殺獄曹啓

判付內因此而有提

論者按殺獄者每以行賂私和作爲彼隻之斷案而殺獄

裏面至細至密雖使檢官用法物行檢疑晦之端十居五

六或至於三檢四檢則蠢蠢者何知其傷處有無乎言詰

毆打渠雖有犯而元告咆喝行將告官則不問曲直私和

圖生人情之常也受者罪固難赦與者情或可恕倘或不

審傷痕之淺深傷處之緊歇而執此私和一事直歸之真

贓大非綜核之政按獄者不可不審卿等以此惕念仍將

此意申飭諸道

辜恨勿輕加定

正宗元年

丁酉

本曹判書張志恒所啓洋人鄭漢龍以環刀

擊人膝骨半落被傷人因本傷致命律文中以折跌肢體
破骨墮胎者無問手足他物皆限五十日今其致命過限
一日而大明律附例有元辜限五十日外若因本傷致
命則加限二十日之例而先王朝戊子傳教中殺人
辜限其法甚重一或低仰民何能逭其於附註不過一備
本事雖或若此者其宜奏請而况傷處雖未復常或因他
而致命則皆用此律辜限之律其將去之乎受教既如此

臣曹不敢擅斷敢此仰達 下詢大臣何如 上曰卿等之意何如領議政金尚喆曰雖云加一日環刃之破落膝骨致人畢竟殞斃者其爲殺人無復疑端 先朝戊子下教不過申飭今此漢龍不可不依法成獄矣左議政鄭存謙曰如漢龍之以刃行兇仍至致命者不爲成獄則豈有償命之律乎 先朝下教申飭臨時低仰之弊則今何可持疑於依法償命之獄乎右議政徐命善曰漢龍之成獄更無他議矣 上曰卿等所奏是矣漢龍之以刃斫人自初既有必殺之心其所成獄卽生道殺人之意依例舉行可也○刑曹叅議洪義浩啓曰辜限之法元宋以前手足

傷人例限十日至 皇朝始用二十日之限蓋速死處不得過十日之限法意則然而人有強弱之不同打有猛歇之差殊或有拖至二十日而始死者則 皇朝斷以二十日蓋出重人命之意也至於加辜限之法則萬曆十三年刑部舒化纂進條例始有因本傷致死加用辜限之例矣然而因本傷致死最難執定一或差誤死生係焉其不可輕易援用也明矣戊子年平安道錄啓中未經覆啓遽用加限之法致勤 嚴教伊後京外掌法之臣莫敢引用曾前泮人鄭漢龍以環刀擊人膝骨死於辜限之外環刀擊人其有殺心明白膝骨半落其因傷致死亦無可疑故本

曹啓稟加請用限至有問議大臣後始爲允許矣大抵死於限外者率調治失宜鍼灸乖方之致則其傷雖曰因人其死抑非由已乎自今以後除非金刃傷口咬傷等事情明白者外勿用加限似合於慎獄之意矣上曰依爲之加限之法不可容易始之雖金刃傷口咬傷除非別般稟旨收議歸一之前無敢輕先成獄之意嚴飭京外可也

同推

堂上朝官同推

肅宗二十一年乙未本曹啓自黃海監司李徵明啓本殺人罪人張天翼平問之下萬無取服之理事當刑推究問而

係是堂上朝官差定同推官使之刑訊事體如何更令攸
司 稟旨矣文武官拷訊觀察使 啓聞載在法典昔年
濟州判官金雨以殺人之罪囚禁於水原府累年刑推已
有前例今此張天翼自本道定推官刑訊得情之意回移
何如 判付依允

三省推治

毆打後母

英宗十年^{甲寅}龍岡人趙賁敬後母金大阿只自言被毆於
賁敬呈官本道監司朴師洙啓本以爲母子倫義本無生
母繼母之別賁敬毆打其母所當依法同推而 中廟朝

庚午受教有嫡母繼母改嫁他人及潛奸他夫則告訴之
文夫以子告母自有當律 祖宗受教亦有子孫告祖父
母父母者不卞曲直依法治之之令而獨於潛奸他夫許
其告訴只舉嫡母繼母不論生母者誠以繼母嫡母潛奸
他夫之日妻道已絕於其夫母道亦絕於其子非如所生
母子之有生身之恩無可絕之義故受教立法似出於此
今此贅敬之繼母潛奸莫石連生二子母道亦已絕矣以
其毆打而置之應死之科疑若有違於 祖宗朝許告訴
之本意臣之不卽同推蓋亦以此而法意義理俱極微妙
非臣淺識所可擅斷乞下該曹議于廟堂而如以爲可死

則固當具格 啓聞如以爲不可死則處置之道亦無當
律並令稟 旨本曹判書尹陽來請議于大臣而處之右
議政金興慶曰貧敬之繼母旣以淫奸至生二子則於貧
敬母道已絕不可以子毆母之律治之工判金就魯曰
先朝受教繼母則許令告官者似出於無生育之恩故也
而未告官之前母子之名辨自如何敢犯手毆打乎若就
子毆母之律愆有叅酌而直用寃恕之典則末流之弊何
所不至左叅賁李廷濟曰受教中雖有告奸之文旣無告
官之事雖告官之後猶不當毆打况不告官之前倫常未
絕何敢下手乎不可不依法懲治副應教金 曰此於春

秋有可旁照之事人有繼母殺其父者其子又殺其繼母
議者欲加以子殺母之律其時議者以爲其繼母殺父之
時母之名已絕不可以倫常斷其獄當以非士師而擅殺
之罪罪之今此賁敬之繼母既已淫奸生子則母道已絕
然不爲告官之前手自毆打烏得無罪云者工判言是矣
而至若母子之義則已絕於其母淫奸之時不可以犯倫
之律直斷其罪宜加十分商確 上曰若以受教觀之告
官則無母道不告官則母道未絕今賁敬之繼母淫奸則
當告官而絕之不告官之前豈敢下手乎渠雖不知有受
教不能告官則豈可以容恕低仰乎且以淫奸爲言則其

母當用極律豈有其母死而其子獨生之理乎兵判尹游
曰賁敬之父若備禮後娶則賁敬母子之義重矣若是花
妻則母子之倫非所可論不可不明查定罪 上曰兵判
所達是矣今本道查問道啓以爲禮娶的實刑判尹陽來
更請議于大臣 上曰金女雖淫奔旣不随往其奸夫尚
在賁敬之家則蓋以有母子之名故也母子之名旣存則
渠何敢下手毆打乎諸臣各陳所見吏判宋寅明日未告
官之前自處以母子則不可以行淫直謂之母道已絕而
遽施輕典然直斷以極律未知何如恐不可無參酌處置
之道 上曰予意則以爲當用極律不然則世道漸弛之

將必有以此藉口而毆打繼母者律文以為非所生母則淫
奔者告官相絕云者其意深矣必使告官而後絕者正以
母子之名不敢自絕而絕於官也其所以嚴母子之分者
自在於律文中矣渠何敢不告官而手自毆打乎兵判尹
游曰所生之母外律有告官之文果能告官則今無可論
而贅敬既不告官又為犯手罪闕倫常金女以淫奸之罪
正律贅敬以毆母之罪正律同時正法未知於參酌情法
之道何如耶金女之罪既正則贅敬之於金女母子之倫
自絕矣直以毆母之文斷以一律或似過重矣判尹趙○
○曰當初若使贅敬告於官家則豈有可罪之端而既不

能辨此有手犯毆打之舉誠可謂傷倫悖義而直斷一律
或似過矣副提學李宗城曰自上欲用極律者蓋出於
正倫敦化之意而旣以淫奸之罪斷金女以處絞又以子
毆母之律置賁敬於極典恐爲未安然聖教未告官之
前母子之稱謂尚存者甚爲精微不可不十分叅量於情
義倫法之間也上曰世衰民亂三綱幾乎斃滅以律文
觀之告官之文可謂纖悉矣未告官之前母子之義尚存
爲其子者焉敢毆打以上殺下猶可原情以下犯上更何
叅怨其在勵頹俗樹三綱之道決不可議其輕律而諸臣
所達若此王者用法宜其審慎更議于諸大臣右議政金

興慶以為臣於筵中既以不必用子毆母之律有所仰達
今無容別議奉朝賀閤鎮遠以為大阿只淫奸親屬至產
二子而賁敬愚蠢不能告官則是母道未絕也母道未絕
則其所以毆打者乃毆母也今或以繼母淫奔之後則母
道已絕為言而此有不然者以南子之淫亂而先儒斷削
賁以欲殺母其說在於論語集註何可謂母道已絕乎蓋
蓋賁敬以遐方迷騃之人初不能告官而毆打之舉出於
街痛之致則原其本情誠可矜憫而事關倫常只論大體
何可以此有所原恕乎 聖教所謂母子之誼尚存更何
叅恕云者義理嚴正臣不敢容議 判付內當初下教意

在重綱常而頃者諸臣之議皆曰可生大臣獻議又復若此嚴刑二次後減死定配金大阿只依律處絞

弑夫 二条

破瀦

宣祖二十五年

壬辰

命議弑夫罪人破瀦之律刑曹判書

李恒福議曰破家瀦澤之法不見於刑書始行於邠婁定公之時亦非定公所自創爲蓋三代之際相因行之者也觀定公之言只舉臣弑君子弑父者爲破瀦之典不舉妻弑夫一節則意必有在而我國亂前亦因茲言只行於弑父之家不惟其時領府事

臣

尹承勳詳記而明言臣亦能

記之亂後柳永慶倡爲弑夫者亦當被誅之議已行於弑
夫之家臣意不然我國據而行之者只依定公之論而不
見於他經則何可別出意見枝上生枝行所未行之法
判付依議

降邑婦勿罷守令

肅宗二十二年

丙子

禁府啓曰弑夫罪人愛禮旣已承服正

刑降其邑婦罷其守令等事當依例舉行而甲戌年因領
議政南九萬劄辭勿罷守令只降邑婦以準十年之限事
已有定奪今此愛禮所居只降邑婦子女爲奴等事依法
典施行何如 傳曰允

謀殺妻上典

肅宗八年

壬戌

金川孫汝述婢夫貴福厭其妻之仰役率妻

黨數十口乘夜逃去恐其追蹤踰嶺之後欲放砲殺汝述而愛香成龍則以汝述第汝曾之奴婢聞謀害上典之詔而不卽發告反從貴福之指喉因道臣洪萬鍾啓本本曹啓目大明律謀殺人条謀而已行未曾殺人者杖一百徒三年此則凡人之謀殺而已行未曾傷人者非指雇奴與婢夫而言也謀殺祖父母父母及期親尊丈已行者皆與奴婢雇工謀殺家長者罪同云雇工與婢夫有異而法典無舉論之文死罪以化律論斷不知要當貴福之謀殺

妻上典若以凡人謀殺人之律施行則太輕若以奴婢隸
工謀殺家長之律施行則太重臣曹不敢臆斷請令廟堂
稟 旨定式愛香成龍等雖有知情不告之罪俱是同生
家奴婢則與本上典有間似當減死定配伏惟 上裁

離異

肅宗三十九年已癸臺臣請離異俞正基妻泰英 命議當

否禮曹叅判閔鎮遠議以爲泰英之性行不順訐訐其夫
人之所共惡也擬以七去固無不可第聖人旣垂七去之
訓其下又有三不去之語欲使後之爲家長者叅情理酌
輕重而所以處之者不失忠厚之意非若國家法典之一

定而不可撓也且去者其夫去之也離異者朝家使之離
異也今日泰英之離異當否宜以國法為主按大明律妻
妾毆夫條曰凡妻毆夫者杖一百夫願離者聽今之言當
離者皆引此爲言泰英雖悖未嘗有毆夫之事則此不可
謂當律也夫我國異於中朝婦女適一無改故旣離之後
無所於歸此王政之所宜矜恤也設令其罪觀合於此律
猶宜審慎今乃以泰英情狀之可痛強擬於毆夫而謂可
離異則日後三尺之典將隨一時之所愛惡而任意低仰
法何以見信於民耶取考本曹離異謄錄則達家女被擄
女外未嘗有以性行悖惡許離者若或一開此路則非毆

夫而願離者皆將引此例而許之閨門妬惠之際好惡無
真婦女之無辜抱冤者將不知其幾人此豈非後弊之大
可慮者耶況今其夫已死離異二字元無可施至於合殯
合葬與否亦不係於離異之許不許惟當一任本家之所
為朝家事體何可為此之慮而創設夫死後離異之法乎

命依議

殺妻

九条

繫打邂逅

正宗五年辛丑任實人金永化毆打其妻林召史致死道臣
徐有隣狀啓此獄傷處實因俱為明白論其法意固難容

貸而第伏念殺獄償命非但按法亦有此死者雪冤之義
是以在他人固不可區別而在其妻則或不無叅量蓋夫
之於妻倫綱所屬至近至密與他自別雖以求化伊夜光
景言之夫織席妻緝麻相對私語人情天理豈有殺心相
加而猝然發怒引槩揮打邂逅致斃實出無心固不可以
故殺論而況其一子一女逐日泣訴於營邑之間者亦足
矜惻恐不當以凡獄一例倫斷叅互情法傳生之議亦或
一道以俟 稟處本曹判書徐浩修回啓以法則傷處狼
藉斷無容貸之理以情則乘憤一打本非故殺之心道啓
所謂偶然傷殺在他人不可區別在其妻則不無原恕者

深得叅量

上裁

判付內惟此獄事不待多辯道狀之

跋辭曲盡人情旁通事理道其原恕之端緒則曰在他人
不可區別而在其妻不無叅量諭其昵密之光景則曰夫
織席妻緝麻相對績燈私語昵二人情天理豈有殺心相
加使爲永化者自明其言無以易此又使被死者有知其
心必當飲憾至於一子一女之彷徨泣訴猶屬餘事朝家
自見此文案不待卿曹之覆奏已嘉道啓之精詳檢驗雖
曰狼藉情法互爲輕重特從次律嚴刑酌放

夫責妻自刺

同年端川李得龍妻金台史含憤自刎因道臣鄭昌順稟

啓曹周啓刺痕既在含氣喉與無寃錄含氣喉斷生前自

啓曹田啓刺痕旣在食氣噪與無冤錄食氣噪斷生前自
割之文符合長爲一寸五分與無冤錄若用小刀自割可
長一寸五分至二寸之文符合實因之爲自刎明白無疑
雖以人情言之三年結髮一子在襁則縱有大段反目之
端固不以刃相加得龍之於金女亦不失起不佞舅與夫
之言李昌祐父子亦已證之半夜同室之內曳出刺殺決
是常情之外而設使有行兇之心則抱其兒置其側尤是
事理之外當初噴言不過秋衣之未及期則金女憤恨於
逐送之說竟至自刎真是渠之不幸有何可疑道臣酌決
之論儘有意見獄體至重不敢擅便。上裁。判付內推。

之人情決是自刺。叅以事理必非被刃。元不失起之狀。不但辭連諸招莫不爲然。死親家屬亦皆立證。被夫責諭愧憤。翻中不知不覺。至於自刎者。由於女人之隔性。決是無疑之事。遽以得龍謂之手犯。屢年逮係。連加訊推。大非雷克之意。其在獄體所宜自放。諺不云乎。非汝牛角何壞我墻者。政爲龍得道也。有難釋嚴刑放送。

投床誤觸

同年臨陂人石奉伊。毆打其妻韓。召史致死。因道臣徐有鄰稟啓。曹回啓以食床打妻。竟至折腦。萬萬亮。礮而細究招辭。則追悔慚痛之狀。不無一段人心。鄉曲貧民相依爲

生者惟是其妻況同居二十年又產六子女以何心腸因一至微之事故打其妻而至於死境乎憤頭投床不過欲碎食床而已其妻之觸傷誠是不幸厥女憤毒未消經夜露處引風傷破至於致命寧欲同死下從云者恐非粧撰掩諱其甥實緣羞愧云者亦似實際此獄與任實金永化事略相彷彿道臣之一體論斷者深得獄情合施罪疑之典而殺獄體重不敢擅便上裁判付內此與任實金永化獄事可謂將無同原其本情初無欲殺之心觀渠自服之招益驗其信然渠與渠妻二十年同室居生產六子女情誼之和好此可推知當其因微事相詰之時渠在房

內妻在庭中詬頭轉激憤心猝發不知不覺之際將其方
食之床擬投厥女之前者非要故害直欲虛喝也卿曹回
啓中其所投床不過欲碎食床而已其妻觸傷誠是渠之
不幸又以爲厥女之憤毒未息經夜露處轉至致命云云
者可謂盡出真境且閱渠招渠有十歲女息而隨渠入獄
晝夜呼爺雖欲溘然哀彼女息無以保生之說想其情理
亦甚慘惻朝家欽恤之意旣施於金永化則奉伊之獨漏
一視之澤有乖綜核名實之政減死定配

刀刺罵母之妻

六年^{壬寅}忠州李二金刃刺其妻元每翌日致死實因被刺

道啓元每反唇罵姑無日不然則二金之爲母刺妻有異

道啓元每反唇罵姑無日不然則二金之爲母刺妻有異
私鬪律文中擅殺之夫罪止杖百者以其妻妾之於舅姑
無論毆罵已犯死罪故耳歸之擅殺亦有當律云曹回啓
判付內 大明律既有妻妾毆罵夫之祖父母父母而夫
擅殺者杖一百之文今此二金之罪犯旣合是律則準律
酌決實爲允當李二金依忤律勘放

辱舅自縊屍親變招

八年_{甲辰}安東金驗尙毆打其妻金命丹實因被打道啓命
丹被打叅證無人而脅彼稚騃之命辰至有發告之舉及
其檢時命辰以自縊納招則打殺之說無可憑之證云曹

回啓腦後紫暈可斷卽死之形證擒狀縊痕決是死後之
縊以命辰變辭起疑者未知穩當云 判付內語其情則
結縊之初也問其事則漚麻之微也不勝訕庭之憤終有
語屋之舉而被打則無執捉之贓自縊則有彷彿之痕不
可以疑似之跡勒成重案腦後之痕不過柔軟命辰之供
自歸誣罔則血杖血衣便沒下落亦不足執此爲說娶妻
卽所以孝養其親而今也不然不徒不順於其夫又從而
辱及其舅則爲夫之心憤痛怵惕當如何哉縱使驗尚乘
憤猛打因此致命猶當有原情之議况杖屨之說初不真
的者乎大抵毋論爛傷死被打死自縊死勒縊死金女之

死既在於與其夫言語之後則謂之由我死可也直歸之於故殺之科則恐非審克之論依道啓叅酌決處之意分付

刃刺有子之妻

同年京囚奴三漢刃刺其妻九月卽地致死實因刃傷曹完決三漢之於九月十八年同居四子女生育則雖至愚下賤豈無夫婦之情而一朝乘憤手刃無難其亮寧頑悖已無可論嚴刑得情何如判付內殺人而有償命之律欲以慰洩幽冤也其夫犯無情之罪而抵故犯之辟畢境至於代殺而後已則死女之心必不以爲快又念渠之兩

稚子或免襁褓或在乳下渠死則渠子亦無收養之人然則難為四人并命儘非浪語朝家所以惻然垂憐三致意於此文案反覆參閱不覺夜漏之將徹者此也去春諸道之審理似此罪囚必皆付之生科今亦豈可異同三漢嚴刑三次減死因本役為奴定配所押送

三女人譏妻乘憤毆打

同年開城府徐仁行毆打其妻李召史翌日致死實因被打仁行箇箇承款具格啓聞曹啓報議政府詳覈施行判付內仁行之於其妻以十數年同室之夫婦素厚結髮之意毫無反目之事販商之行纔返殺越之變繼起仁行

亦人耳山豈或無所以然哉宋台史即仁行之兄嫂也惟出

亦人耳豈或無所以然哉未召史卽仁行之兄嫂也粧出
吸草看母之說崔召史卽仁行之叔母也粧成救火叱妬
之譏二三節藁鞋忽作話欄五六度簪鞭便成裙襖三女
成姦一辭捏虛藉令仁行不殺其妻其妻之命在於頃刻
矣仁行離家十餘月始得還家于是時也不睹候門之笑
話但聞入厨之啼語繼又有其母盛傳其妻之過惡從以
兄嫂也叔母也競把烏有之跡至發牛咬之誚爲仁行者
腸非木石惟其愧恨傷憤之心必有綳結蘊蓄于中者而
然猶忍住之對其妻但止抽刃而佯喝則其無必殺之心
據此可知及其盈車之謗未已敗船之報踵到以此以彼

自不無無聊不平底意思面潮方暈壯火橫亘於是乎縛
縛拳踢之交是誠可已而不能已處不聞好消息豈有生
世之樂云云徇彘之屬必有牝牡之愛云云者可見本然
之不泯自行檢之日隨問便對一一自服備陳醉裏之真
情不念死中之生計謂之善處其變則未也其心則不出
故殺人孰不諒之況且其妻發怒自搏房外翻身墮指殆
過數三次則亦不可專諉於仁行之猛拳毒踢因以致命
徐仁行減死定配

醉怒妻訕拳踢

同年新溪朴春福足踢其妻姜白史翌日致死實因被踢

道啓結恩七年連生二子則可知其平昔好合之情矣適
於伊日夫醉妻飢厨烟不起室譴交徧無周變之誚自歸
歎然不除糞之責殆近蔑如則廢性無恠乎批賴本情非
出於反目詬罵不絕於女口憤怒層激於渠心或打或踢
豈料因此致命乎情法之間或有可原云曹回啓判付
內年前於湖南金永化獄事因道伯議啓特傳之生路春
福政類此常漢夫婦閨闔無端少有違拂則爭爭之過則
打或夕拳而朝昵或下詈而俄嬉怒則火熱喜則水融不
可一槩論也春福之於姜女同居七年連生二子情則好
矣特以身爲男子不善俯育尋常愧惡着在肚裏今其自

外入室也。厨烟不起，室譴交徧，垂醺拳踢，不着緊歇。此豈有戕害之心，而然哉？殺獄之故，犯邂逅，雖不可遽然，而此等處儘合商量，不醉之永化，尚已原情使酒之春福，豈可斷法特爲減死定配。

毆妻用律不可旁照

十四年

庚戌

石城田京得蹴打其妻，具台史第三日致死，實

因初檢內損覆檢內傷道啓。常漢雖無妻妾之可論，後者爲妾則律之以大典。夫毆妾至死者，有杖配之文，似不可仍置償命之案。云曹回啓判付內夫殺妻之獄，除非情理之切，惡多付叅，恕之科。至於此獄，左有異焉。道伯亦言

非妻非妾則杖配之律，果有所據，而常漢既無妻妾之分

非妻非妾則杖配之律果有所據而常漢旣無妻妾之分則今以後獲之妻直加以妾名解之曰後者爲妾又斷之曰大典毆妾至死者杖配云者道伯事難免率易殺獄體段至爲嚴重用律旁照不可臆斷而以妻爲妾仍用毆妾之律層節屢轉後弊所關厥漢杖配道伯推考

殺子

二條

父兄殺子弟用律

肅宗二十二年

丙子

本曹判書李世華所啓故殺子弟者律

非當死而甲子受教以一罪論斷丙寅受教以依法文施行而情節痛惡者則隨時稟定定奪故徃徃以一罪論斷

今後則此等罪人以一律論斷事稟定後入於啓覆似爲
合宜矣 上曰依爲之○同年傳曰頃者三覆時業已下
教而 皇朝本律昔年受教皆以重倫理而受教中功害
二字 聖意深也而秋官因此受教父殺子兄殺弟尋常
皆置以一律極涉非矣功害二字若不細究其將如前泛
忽其功害者用意之至陰慘也噫悖子惡弟之殺無赦者
爲其父爲其兄雖杖而因殺豈可比擬於功害陰慘况誤
殺過殺而無他用意之陰慘而過爲此擬此律哉大抵償
命者爲其被殺者之冤西銘亦不云乎無所逃而待烹申
生其荼也以申生之孝心其前定抱冤於其父乎此猶然

矣况不近於功害陰慘而置之償命之律則何以慰孝子

矣況不近於功害陰慘而置之償命之律則何以慰孝子順弟之心中夜思之不覺惕然更爲下教以此分付京外

刺子諉人終又承款

正宗六年

庚午

中和金處元刃刺李共元卽日致死實因被

刺其子大秦擊鐙原情內矣父處元賣酒資生李甘丁與其子共元來飲之際甘丁拔劍刺共元腹曰吾殺悖子何関罪戾云共元致命後甘丁告官曰矣子刺殺令本道嚴查云道啓處元爲元犯毫無可疑嚴訊得情云甲辰更查後本曹啓以爲共元被刺時同坐一房者處元與甘丁則求其元犯果是伊誰云判付內白晝向刃情則狼藉而

第攷肯緊其說不過是沒把捉凡事無出常情對其父刺其子而爲其父者捨置垂死之其子汲汲歸家不欲顧見此誠理會不得處如無甚麼隱情必有別般奸狀朝家於此不欲索言其起疑之端付之本道另行按查該道伯似已領會微意而及其查啓其說則懸空架虛其事則愈往愈晦道伯事誠甚踈忽向欲發緘問備而姑且置之到今諸道獄案躬自看閱凡爲幾十日矣旣知其十分疑晦猶復如前任他是豈審克之本意似此疑獄必須按例究覈可得情實大凡殺獄一番成案之後道伯視若鬼錄推官認作鐵券明知其可反之案可生之端或拘於顏私或厭

於省閱不欲措辭於其間安在其重人命慎獄體之意也
卽令該道伯詳覈狀聞本道查啓內甘丁不得盤詰多年
隱諱之事一朝直陳誠非始慮之所及故反覆窮覈終始
一辭惟願速死而激憤於處元移怒於其子非出必殺欲
爲示警云者可推其實狀處元之橫罹自歸脫空甘丁之
自服可見天道甘丁定爲一罪云 判付內此文案始欲
叅情究法終不因跡起疑不得已措辭判下觀此查啓中
供招大有係於倫常所謂哀矜而勿喜者政爲此獄準備
語三堂齊會詳閱稟處曹回啓 判付內此獄之以處元
斷爲元犯者凡幾年矣天下之事不出常理爲人父者目

見其子之被刺於人而不卽地反兵乃反汲汲歸去者求
之常理寧有是耶此等事情本非難曉而檢官之意直以
甘丁則其父也理無可疑處元則路人也事或難明故偏
主先入之見硬定必死之案獄上之後以其事閔倫常自
朝家不欲起疑於不當疑之地特令更查者槩有微意而
查官之見又一如檢官之見其所發問取招無所鉤深摘
隱於是乎自朝家不獲已起疑判下設置有司之意豈票
使然哉今則獄已具矣情已輸矣處元之冤始暴甘丁之
惡始著以此推之則八路重獄如此獄之化者將不知其
幾寧不惻然自卿曹將此判下行會諸道凡檢官查官各

細心體究無陷失入失出之辜甘丁斷其行兇殺之無肯

細心體究無陷失入失出之辜甘丁跡其行兇殺之無惜
續典一律若爲此囚準備而方其未得情也惟恐其失刑
而及其得情也反惻其傷倫哀矜勿喜者政指此也況其
招中畧欲示繁初無殺心云者亦或使然特爲減死嚴刑
二次絕島定配處元德惠共元使之得罪於甘丁者卽處
元也激怒甘丁使之逞憤於共元者亦處元也詐出棄田
罪著由我其在懲後之道不可以四年滯囚而遽然白放
令道臣酌量勘放

殺第

四條

不待時處斬

肅宗二十一年^{乙亥}因京畿監司啓本本曹啓目權增與其

子斗白其壻朴算立等同力戕殺其弟權培夫妻及子女

三人^{大明律}兄姊毆殺弟妹者杖一百流三千里故殺

同室弟妹者絞^{癸亥}受教父殺子兄殺弟者罪止杖徒

先朝受教定爲一罪^{丙寅}受教父母殺子女用意亮慘者

雖斷以一罪隨其情犯該曹臨時稟啓臣曹不敢擅便依

受教仰稟上裁^{判付內}并不待時處斬

不待時處絞

二十三年^{丁丑}黃海道奴夢日打殺其弟夢立因道臣李德

成狀聞本曹啓目^{大明律}兄姊毆殺弟妹者杖一百流

三千里^{乙卯}受教故殺弟者以一律論斷^{甲午}議大

三千里已卯受教故殺第者以一律論斷甲午議大臣啓
目判付內從今以後一依律文施行如有情節痛惡者
攸司之臣臨時稟處事判下律文受教如此上裁
判付內一罪論斷不待時處絞

焚燒同已之屍

英宗十年卯黃海監司俞拓基啓忝金貴蓋焚燒同已之
屍請令攸司稟旨勘律下詢大臣右議政金興慶以
爲律文內殘毀他人之屍者杖一百流三千里棄毀碁親
卑幼之屍者杖七十徒一年半此律太輕而至於一罪恐
或過矣上曰此何故耶用佛家之法耶對曰俗所謂瘞

疾一門傳染盡死故鄉曲愚氓畏其傳染爲此不忍之事
誠可痛惡矣吏叅宋真明曰原其情則雖出於無識此宗
無前之變恠也治國之道無大無小思其流弊預爲隄防
不可不從重科斷矣上曰我東以禮義之國素稱小中
華而渠生禮義之鄉敢行滅親之事右爲痛駭吏曹叅判
思患預防之說是矣極律則太過嚴刑三次後絕島之配
可也

縊殺不奔喪入賊黨之第

十四年庚辰京囚李慶泰勒縊其弟起得卽地致死實因被
勒慶泰招內起得偷賣祖先神主櫝祔挺入賊黨受刑捕

聽毋死不奔喪故議于從祖德培而縊殺之曹完決慶泰
縊殺其弟節次箇箇款款而法典父殺子兄殺弟罪止杖
流如有情節痛惡者攸司之臣隨時稟處如此傷倫之獄
不可擬疑於杖流之律而實合於用意兇慘之條所當直
請結案既有隨時稟處之文上裁李德培以其尊行年
長不善教率有此倫常之變叅酌懲治云判付內情固
慘毒事非獨辨而無端當依本律施行而渠祖德培爲指
使依此自忒曹酌量照律曹草記大明律曰其兄毆殺
弟及伯叔姑故殺係孫者各杖一百流二千里同律又曰
聽使者減一等李德培旣置指使之律則慶泰當勘聽使

之律若依此照勘反有輕重倒置之嫌依酌量照律之
命慶泰德培等并杖一百徒三年照律云傳曰本事登
諸文簿徒閔風化且今宥配之時不可發配慶泰德培等
以降充之律更爲酌定曹草記叅攷法典降充之律旣無
襯合之文充定外邑與發配無異恐有違於宥配之德
意并於殘司充定奴案云傳曰允

殺兄嫂

正宗九年巳長水崔汝賁毆打其兄嫂李台史經夜致死
實因被打道啓毋論汝賁與一賁果若毆打翌曉致命則
李女必無忍痛緘口之理而切隣一無所聞幸女之援告

其夫既云承順夫志汝贊之自當欲代兄死則良心可見
以證夫之言爲殺嫂之囚者有闕風化強其疑而斷重獄
有非雷克云曹回啓判付內人之所以爲人者以具彝
倫也國之所以爲國者以重風化也無是則其將人不人
而國不國矣化年以來朝家之歲行閔獄者矣但求生於
必死以寓導迎之方而已哉殺死之變或有闕於綱常之
際兼欲行扶倫彝定風化之政此獄之蔑倫傷風卽是前
後殺獄之所未見者看詳屢回不覺瞠然而驚惕然而懼
到今折獄反輕扶倫爲重先定風化次論獄情可乎大抵
婦之於夫其恩義之重猶子之於父臣之於君三從之托

在焉百年之好在焉生則同室死則同穴伉儷之誼顧不
重歟此獄辛女之事卽一變恠渠夫則以爲兄代死之心
回顧獄中丁寧密囑者可見忝心之不泯而夫之所命亦
有順受不順受者夫之與叔果孰重孰輕孰親孰疎也設
令汝贊真箇有犯手之事其夫則爲兄替當其妻則爲夫
曲護此是天理人情之所必然若欲念其夫友于之情慙
其叔冤枉之狀則伊夜之事渠旣叅看挺身爭死亦何不
可當其行查之初也道伯之一問於辛女者猶或諉諸審
慎而及見辛女之招爲道伯者宜動念於傷倫之變致緊
於違法之誣不惟不此之爲兄弟之間首從遽撥狀牘之

題醜拙畢露以其妻一言之立幟定其夫三尺之斷案旣
墮之倫彛至此而益掃地矣始於不當問處起疑末於當
扶植處放過旣失按獄之體又乖宣化之責事係傷倫不
可以年久而容恕當該道伯鼐職卿等推考雖以獄情言
之李女以失行屬官之女一出崔家便成路人夫婦之誼
旣絕則何論乎嫂叔之東之西任其所往觀於節日之不
還可知其無相見之心况站裏寄宿之時橋頭承訃之際
俱有叅證之人則一貧償命已涉無義又若汝貧當其兄
在家之時去帷之嫂半夜叩門則拒而不納已示斥絕之
意迨然後受不過疇昔之誼其生其死于汝貧甚事在傍

之藥裹既係明證左肋之傷痕宜付自觸大抵李女被逐
之後漂泊失所身世悲涼抱子徒步已判歸死夫家之心
及見其毆逐備至飽經困辱則不忍一時之偏性乃有三
更之自裁前後事狀不過如斯檣官雖以殺道之不變歸
之於被打嘗聞服毒急者其毒在上況初不能如法掄洗
者乎田前由後李女之服毒致死明若觀火而汝賁之多
年滯囚備受拷掠此果何許獄體汝賁以此判付曉諭
後卽爲放送辛女罪大惡極論以王章決不宜生出獄門
汝賁今既白效合有叅恕之道令道伯嚴飭地方官嚴刑
絕島限已身永屬官婢勿揀赦典以示朝家重倫敦風之

政

殺侄婦

十一年和安峽李堰鉗縛侄婦具女投水致死實因被人
投溺監司李時秀啓本具女孀婦也不堪窮獨至於淫奔
而李堰聚族合力縛之於衆人之中投之於大江之邊壓
之以大石究厥情狀萬萬殫頑嚴訊得情云曹回啓謹
按大明律弟侄毆殺者杖百流三此獄原情之律實非可
議於償命以此律酌處恐合事宜云判付內道狀則欲
置償命之科曹啓則反屬貸死之律未知於何酌之法理
之外情狀絕悖情狀之外亦闕倫理似此獄事有難遽決

卿與亞三堂具意見論理回啓曹回啓姪與姪婦服制各異則前日以侄杖流之律傍照其侄婦恐未觀合大明律夫屬相毆条有曰尊長毆傷卑幼婦妾至死者絞何必捨準備之律援傍照之例乎判付內更令新道伯論理狀聞戊申曹回啓更問前道伯則李時秀以爲用意攴猾實無可原云李致中以爲用意凶慘亟施當律云判付內最初曹讞別出疑端且援大明律以證其不當償命仍以性大之徑斃又歸一獄兩犯至有杖百流三之請再問道伯三詢本曹欲聞其同異之論者出於重獄體重倫理而兼寓懲頑必俗之微意也到今若曹若道若邑之啓

狀牒純然一辭而前伯之見亦無叅差但從當多議施行
然其所引律文各有可據所坐事件亦係不輕一問大臣
後決折矣石議政李性源以爲其女之於李堰則侄婦也
性大則親妹李堰之戕殺固已凶慘而性大慙患紺縛忽
解喪帶助縛孀婦抱石投江之際乃反拳踢交加此獄元
犯非性大而何論以獄體以性大爲干犯以李堰爲元犯
者未免失格李堰償命一款恐無可論云右議政蔡濟蔡
以爲李堰誘引其女紺縛投江以十餘大石壓其屍體及
其極瘞鉗口之葛猶不解給苟有人情豈可忍乎李堰之
償命於法無疑云 判付內左右相所見叅差後日次對

指一稟處已酉李堰子重詰擊錚原情內矣父年今七十
乞蒙天恩云判付內毋論獄情訟理年七十人作為
元犯一向牢囚大是法典之外其委折令該曹查問該道
待報來具由草記曹回啓臣沱願之以為縛鉗投水無非
李堰所為若以具性大之瘦死致慮於一獄兩犯遽議惟
輕則骨肉相殘難保其必無嚴刑取服臣李義綱以為具
女既有鄉班之名則瀆亂風教之罪生亦難免而李堰則
夫叔性大則同氣論其罪犯比堰尤重而既已杖斃兩人
並命恐非審克云判付內前後道伯之見既皆參差問
于大臣亦及卿等而其說各有兩據更令時道伯細閱前

後文案仍又一番親執按查則面稽言聽之際豈無可知
可徵之端而李堰之生與殺亦果有關於峽俗之懲惡俱
非遠度可執處以此判辭行會該道行查畢別具意見狀
聞又自忒曹粘連論理稟處五月道臣李度默查啓具女
淫穢之行傳播則李堰之因此戕殺亦或無恠云曹回啓
判付內向來判付已有示意者而藉使他人犯此殺變尚
可謂之至亮絕惇况媿而猶父家而甥兄未見塞裳之真
贓只見投桴之風傳不究虛實直至戕殺喪帶以助縛之
江石以扼沱之想其光景有不忍道則兩囚所爲可謂倫
理斁而人理滅矣此等處風教爲重治理反輕毋論元犯

干犯但當並置一律以慰孀女之魂而然在審克之道所
貴博訪而處之故詢于大臣刑官暨前後道伯而區別隨
從之際雖有一二參差之見要之皆曰可殺當初造謀專
是李堰而性大卽不過加刃耳猶以徑斃爲可痛則矧茲
堰乎到今獄案別無更覈之端以此分付道臣道啓結案
取招云曹回啓報議政府詳覈施行云 判付內依允○
庚戌別諭內李堰之獄以同氣之親使之至於死者卽具
性大而符同性大備施毒螫手勢者卽李堰也屢詢僉議
皆以堰爲可殺然正犯干連之定執初未十分稱停性大
先旣瘦死於獄中是一獄兩死觀此卿等之跋語以一獄

不可兩死採探輿論敷陳又如此朝家豈或持難堰嚴刑
放送

殺從弟

十五年_友錦山林貧儀以喪杖打其從弟日同翌日致死
實因被打道啓喪杖作爲傷人之物殺變出於同堂之親
大明律同堂弟妹故殺者絞同推云曹回啓大明律同
堂弟妹毆殺者杖一百流三千里故殺者絞僭儀之以兄
責弟事理無恠旣非造謀又非捧刃則反覆衆量未見其
爲故殺所當依本律決處獄體至重上裁判付內錦
山囚林貧儀故與毆殺活所關而卿與道臣之意見雖相

矛盾亦各有據大抵冠杖則喪杖也殺之者從第也法律之外所爲痛惡道伯之斷之以死律不可謂誤用法然以卿說更究斷例毆云則可故或過情若此則贊儀之用毆殺律無所不可事係至親間殺越其在審克之義有難遽然決折問于大臣稟慶曹回啓問議于大臣則左議政蔡濟恭以爲贊儀之發憤一打或非異事而適撞要害遂至不救豈贊儀之預料哉贊儀之殺日同非出故殺刑官之欲當之以毆殺律亦不可謂無意見云大臣之意如此上裁 判付內依大臣議施行

誣告嫡三寸叔

十三年已本曹啓目罪人沈昶鎮招內矣嫡三寸叔不慎
言語不訐人之有無或發驚心之言一家人亦有聞之而
駭然曰此不變通將有難保家族之禍云故矣身往見嫡
六寸果有酬酢云判付內所謂沈昶鎮削籍降為庶人
付之攸司先問棄嫡之謀次覈誣叔之罪予意在於扶倫
而正俗大抵叔猶父姪猶子猶子而告猶父何異於子告
父籍令渠之所言是實是信不知父子之倫常者能識君
臣之分義乎揆以王政決不可聽施况沈挾為人每認以
樸愚自初以不問於挾牢定者非特為渠地而已且近來
告訐成習看作謀逆甚至有起鎮侄告叔之舉此而不已

將使奴焉而告主妻焉而告夫踰躅之漸不可忽也以誣
叔棄嫡置之當律渠安敢發明况渠招中云云便可謂半
承款第有一事合商量者青平家無論遠近嫡庶亦派血
屬只有和鎮一人和鎮死則青平之後斬焉絕矣且和鎮
之以渠家內事往議於前郡守沈載鎮也只以處變當否
與之相議語次間雖發登徹二字渠既無自告之跡則誅
心之律止於島配或不至失刑和鎮依昨日筵教加刑絕島
定配

鬪毆殺死

藉主令踢人

十三年己未仁川成三特足踢金福老未第四日致死實因
被踢因道啓曹回啓三特恣意撲踢之後又藉其上典之
勢縛置於曝陽之中答治於垂死之際立視昏室漫不動
念者不可責之以尋常而及其上典酌配之後變辭推諉
情狀覈校另飭同推云 判付依啓甲辰曹啓 判付內
因他入厨之事殺渠近洞之人手勢之慘毒屍帳之痕損
殆無餘地酒店張爐要爲迎客之資則福老未吸烟有何
抵死之罪公然拳踢交加遽爾臍肚俱傷以至第四日致
命渠雖欲百端粧說烏可免償命之律元犯上典朴義揆
顧藉豪奴毆打戾民結縛之不足捶撻逮夫成獄之日乃

敢空家而逃雖異造謀難免元犯而既受六次嚴刑又被
千里遠配姑且勿論三特之指告義揆顯有推諉底意實
是風化所關卽此一事可謂罪上添罪三特姑令依前同
推○庚戌別論內成三特之獄竈裏無酒旣未買賣厨下
燃草亦非罪過而謂以擅入先惹鬧端者固是三特之作
俑第因廊奴之微事忽加上典以醜辱則其在大馬之誠
宜效鷹鷂之逐而姑且忍憤初不下手及其朴哥之分付
捉入金漢之不卽就縛之後始乃揮之踢之則其所揮踢
雖或謂憑藉於主威亦不可都歸於私毆且加應伊金之
同時足踢死者發口屍親納供而證絕階梯事屬疑晦畢

竟朴哥之牢結猛答又在此際者乎然則金漢之致死摠
由三囚而三囚之中若欲區別首從則不得不三特爲歸
而大體論之其所區別無甚懸截亦爲攷送

貞女被誣打人

二年^{戊戌}陽城洪召史喪其夫守節矣隣人朴世永以洪女
潛奸產胎到處傳播洪女之夫兄金炯洙詰問世永之時
洪女持杖毆打以至致死洪女自服而屍親以爲炯洙結
縛打頭因爲致命云故炯洙三次同推至於杖斃則洪女
變招以爲家有八十老姑男丁只是炯洙一人矣身青年
寡女生亦無蓋納招自服要爲圖脫炯洙之詐炯洙今已

死矣矣身一女人豈可打殺男子乎道臣鄭尚淳結辭世永
壯健男子也安有坐受兒女犯手之理乎炯洙自當為元
犯而今已致斃則死者之冤可以伸矣一人致死二人償
命恐違欽恤之道附陳愚見以備 睿處 判付內洪女
為慮老姑自當元犯猶可見秉彝之共得以次律酌定

救父打人其女訟冤

大典曰其父被毆打傷重而其子毆打致死者減死一配

同年青陽處女金名史年十六為其父以灝擊錚鳴冤行
查本道道臣李命植查啓李春永之死傷痕狼藉證左俱
備則以灝毆打致命斷然無疑而謹按續大典有其父被

人毆打傷重而其子毆打致死者減死立配之文然則以
瀕之償命與貸死惟在其父尚德之傷重與否而尚德雖
流衣裂別無所傷則不可以傷重論以瀕之當死亦斷然
無疑但金台史閨女出血為書再呈本縣三呈臣營其辭
至為悽苦其情極可傷憐有足以感結人心者昨年審理
時諸官亦以為事係為父宜有叅恕云而臣意則原情恕
罪乃係自上之特恩非在下之人所敢仰請故不敢置傳
生之科者蓋以此也請令該曹彙處不待本曹回啓直為
判付內向聞青陽童蒙女金台史擊鼓供辭語極悽切情
甚矜惻考其前後詞案金女之呼冤固是人情當然之事

律文內以爲其父被打傷重而其子毆打其人致死者減
死定配則以灝之父年迫八十被人毆打血染於衣喘急
於吭則豈非所謂傷重者歟爲人子者憤頭猛打不是異
事雖無續典減律之文此等獄事宜有參酌之道金女之
痛父非命斫指血書則又至五六次之多此尤足爲感動
之一端金以願減死定配

捧糴時爭刺殺踢人

同年安城奴介男入於本曹議啓先是壬辰介男足踢尹
明俊第十一日致死至是議啓介男以豪悍官奴身爲捧
糴倉直因渠數掬落穀之添入斛內以枰猛打以足亂踢

羅倉直因案數拘落穀之添入解內以桺猛打以足亂踢
致使殘民終至殞斃嚴刑得情云 判付內大抵貧民納
還艱楚之狀朝家常所矜惻妻舂米夫織席瓶罌傾儲粒
粒辛苦間或有秉穗之所出不能當庸租之所入則賣耕
犢鬻炊鼎或賃或貸惟恐未及趁期官人嗔已及到官庭
也管庫驢僮之輩從中俯仰殆無限節勒捧斗刺而猶以
爲零縮吝給尺文而亦有所徵索轉至毆打而不止趁視
愈甚秦求無已雖欲入官府呼訴又從以阻撓之嘆彼貧
民亦何辜也今此介男獄事卽是反隅處假使尹明俊還
穀雖不盈飽於稟何尤而忽怒不必怒之事敢打不當打
之漢將此穀枰而擲彼腰背乃至殺死之境而實因旣如

是狼籍證援又如彼明白足踢之說渠亦自服則渠焉遁
償命之律在朝家恤小民之政亦不宜別生意見有所扶
抑介男姑令依前同推許多官隸赴役者何限而首奴東
春之必以此漢填役使之迹縣者果何委折究厥情狀亦
不可無懲自本道從重決罪

被讓劫奸奸女之父自縊

同年嘉山人尹八從縊殺金德化道臣李徽之查啓以爲
此獄起疑之端一則曰八從甲申春就訟時與任基同入
邑中一則曰松樹低下帶索不緊不緩決非自縊一則曰
螢物垂出顯是傷處而不載屍張一則曰着帽穿孔隻鞋

棄道有若毆曳引入暗作自縊之狀而李台史招內丁酉
初查時怯於嚴威有所誣告八從入來之說自在落空松
樹雖曰低下檢吏之招以爲周尺五尺九寸而地形傾仄
檢狀亦以爲若結項伸脚而坐則足以懸虛絕命松樹之
高低不必較論縊處行檢則帶索之緊緩乃可辨別而及
其解索移屍之後只以砲手霎見之言謂之不緊不緩者
似不分明腎莖挺出之說出於檢驗後屍親之招則不足
爲公言而真若挺出則兩檢官何故不錄帽子之穿孔隻
鞋之遺落雖未知其故而畢竟實因係是自縊則此不足
爲關緊縊痕只在額下不在項後此豈非自縊之明證痕

色亦曰深青何嘗彷彿於無寃錄所謂死後假縊淡泊之
條乎今若捨其時而檢官之案而反取十四年後查官之
一時意見者事涉逕庭況且屍親之招以爲八從雖爲禍
首而其夫致命似是任基所爲一向以八從作爲元犯者
有欠審慎而渠以被縊之人劫奪良女已無倫理及其就
訟之時使弟兄子侄作黨驅入其家豪強氣勢足以想像
而當初釁端專由八從則由我之罪逼人之律烏可免乎
各人供辭枚舉馳啓令該曹稟處本曹判書李性源回啓
斷獄之體專在於實因詞證而此獄初覆檢實因俱以自
縊懸錄而決放十四年之後有此更起同推之舉屍親所

謂腎莖挺出一款而檢刑吏之招俱曰元無垂出之事丁酉行查時以八從入來之語作為行兇之斷案而今番更查時入來之說已為落空以縊痕言之屍親言內只在額下不在項後而其痕深青此非被人縊殺與死後假縊之狀而砣手張良得之招以為金德化平坐松下而死云則松樹高低又非可論屍親所以起疑者不過此等疑端而道臣明覈辨破無復餘蘊則一向刑訊恐非審恤之道大抵八從身被縊麻滿奸德化之女者已是無倫之甚而及其自官推捉之下使其弟兄子侄作黨入去畢竟有德化縊死之變由我之罪在所難逭所當施以參酌惟輕之典

獄體至重不敢擅便上裁判付內此獄事前因繡啓
檢官則勘罪元犯則還囚復命成獄者出於重民命慎獄
體抑豪強之意德化之死推以常理決非渠所自繼任基
雖曰同謀本事一則八從二則八從國無償命之法則已
不然則焉有八從之所犯而能免此律乎予曰宥有司曰
殺則當然底事而觀此道臣查啓本曹覆啓俱有傳生之
議前日監司之意見亦然執法爭難之議只有年前一刑
官可謂從輕之議多而從重之議少者也自上處分當以
從輕為主從多爲決不配還囚旣旣難慎之意獄老證絕
又是疑案之大者豈無罪疑惟輕之典况李召史招內年

前更成獄時納招不過怯於威令應口唯唯之意爲說則亦屬叅量處八從特爲減死絕島限已身定配

賜殺病人

同年砥平人張貴福足錫梁世燁致命因道臣李鎮衡稟啓本曹判書徐浩修回啓貴福以世燁親族之奴屬手犯致命乞爲免殫請依前同推判付內本曹之啓明白痛快更令道臣明陳當初傳生之見道臣李鎮衡再啓殺獄之變皆起於憎與怒人雖燥中不怒飄尾以其無情故也世燁之日夜奔走東西叫嚷病也非情也仁者矜之不仁者笑之而已孰有憎怒之心於疾病之人至於毆踢而死

也臣之愚意貴福之事恐或近於過失殺而適值疏決之
命敢陳無隱之意云 判付內春間判付時更令道伯明
陳當初傅生之見者蓋出於嚴獄體之意也道伯因跡察
情再傅生議其言若曰人雖燥中不怒飄瓦以其無情也
世燁之日夜奔走東西叫嚷病也非情也仁者矜之不仁
者笑之而已孰有憎怒之心於疾病之人至於毆踢而死
也又曰貴福之殺人殺人中書災不償命則固爲世燁之
冤償命則恐或爲貴福之冤惟此二段語不惟有據亦是
可感張貴福依道啓決放

實因傷處相左

同年靈巖人金連同與其同生太才連金等毆打高成周致死道臣徐有隣結辭實因即是被踢而傷痕則有過尺者無冤錄捧毆條云如脚足踢比拳手分寸較大其補條云足之用以踢人惟在足前靴尖鞋頭焉能大於手拳當斟酌辨之足踢死條云踢痕方圓云則右肩胛皮脫處直長一尺一寸廣五寸三分脊背右邊皮脫處直長一尺二寸廣四寸七分懸錄者莫曉其故人之肩胛本不滿一尺傷痕何以過尺而以直長尺餘懸錄脊背右邊傷痕即尺餘而亦以直長懸錄既過尺矣非分寸之可論又直長矣非方圓之可比所謂被傷實因過尺之痕直長之錄大相

逕庭傷處實因之若是相左實爲疑端此所以難於從重
亦難於從輕故首尾十六年旣不得斷案錄啓亦不得容
易疏決者也事係年久更無質覈之道敢陳淺見謹俟
稟裁本曹判書徐浩脩回啓檢驗時傷處右耳下額額及
右肩胛血癰脊背青黯微硬俱爲拳毆足踢之實因道臣
結辭以爲法文踢痕方圓而傷處之直長可疑者終不免
強覓決難容易傳輕請依前同推判付內細究獄情又
考查案蓋此連同至與高成周因一充役之微憾與之爭
閔轉至毆打而但初無必殺之心而已惟其手撲膝踢亦
非連同所自獨爲之事也連同執成周之項成周執連同

之項前推後擠彼仆此躓脊背腰眼雖曰要害色不紫黑
痕不堅硬則其非重被踢打至於垂死之境可以推知推
官之自初傅生道伯之今又論輕者實合伸鬱之義減死
定配

因兄在逃第爲正犯

同年古阜人趙光迪毆打李召史致死道臣徐有隣結辭
此毆踢致死明白無疑不必更論而原其本事則光迪之
兄萬迪其爲首犯的然可知李女被踢之後萬迪之稱以
逢辱假托呈訴仍爲遮躲者卽渠首犯之斷案屍親發告
捨萬迪而獨取光迪者明知萬迪之遮躲而必從見在之

光迪報讐而已之意則所謂正犯固不可以此論定其在
罪疑合有次律勘處之道矣令攸司稟處本曹判書徐浩
修回啓檢驗時傷處堅硬實因分明萬迪與汗成扶曳爭
閔光迪則專當李召史拳毆足踢衆證諸招一辭同然今
於十年會推之後決難容易起疑三尺至嚴人命至重不
可遽議傳輕請依前同推 判付內殺獄體段專在於正
犯之真偽雖兄弟間必摘發其誰某覈出其首從然後可
施償命之律而至於此獄當初起鬧者萬迪也伊日毆打
者萬迪也畢竟生怯逃躲者亦萬迪也論其元犯的是萬
迪乃以其弟光迪爲正犯者揆以獄體誠爲疑端此蓋萬

迪逃解之後屍親意於報讐不擇其弟必欲賞一命以其

迪逃躲之後屍親悉於報讐不擇其弟必欲償得一命以其
在家之光迪指以爲正犯推官所謂捨失取存之詐云者
果爲明的之論在逃之萬迪以其未捉之故置而不論留
家之光迪以其就捕之故執以抵法者豈有如許獄事卽
此一事道伯傳生之論誠有意見卿等以李女呈官之路
氣窒負米作爲疑端其所被打氣窒安知其不由於萬迪
而必由於光迪乎此不過屍親噴薄之言而又無看證之
人則不可以此直駁光迪於首犯之科以此以彼光迪之
代兄償命甚非法意叅酌勘配

同醉觸犯傷痕不明

同年任實人鄭雲白觸犯金甘丁致死道臣徐有隣結辭
大元殺獄既無要害處則致死實因本難指的而此獄實
因初檢曰觸犯覆檢曰被觸蓋出於無傷處之故也以各
人招辭見之雲白甘丁同是大醉不省之人互相言詰設
令真箇觸犯此非雲白觸於甘丁卽是甘丁自取觸犯於
雲白其所觸亦有人已之令况其臂子無損不合於無冤
錄觸犯條又看證之招元無毆打之事云則其不犯手斷
然無疑腸肚膨脹已合於醉飽死条臨死所吐非血伊酒
則醉飽而死不啻丁寧轉以置之錄啓之科者有非仰體
欽恤之道以俟 裁處本曹判書徐浩修回啓屍身傷處

皆是皮損血癢而已省證各招亦無毆打云自初推官之
屢報意見蓋緣情法之不能明白及今需澤夢流之時合
從罪疑惟輕之典判付內原其獄事兩漢均是太醉之
人互詰轉成毆打一執一扶或卧或踞當是時也執之者
不省人事扶之者不省人事卧非有意踞非無情設有真
箇觸犯之事誠如道臣措語非雲白觸犯於甘丁卽甘丁
自取觸犯於雲白云爾者惟此一言明白緊切足爲此獄
之明證况其屍帳之腎子無損又不合於無冤錄条此等
獄事更無致疑之端卽爲衆酌決放

仰卧踢殺將踞其上之人

同年谷賊人李萬伊足踢李菴先致死道臣徐有隣結辭
凡人之毆鬪殺傷不可輕易區別於有心無心之間至於
此獄有可以有心無心論蓋手足之捍頭目自然之理今
有人猝地猝曳使之仰卧將踞其上則如非木偶人決無
卧如尸之理其手其足必將捍衛防遮之際或值撞蹴於
將踞其上之人非但自然之理亦是必至之勢彼此撞蹴
邂逅致命而責之曰彼雖有猝髮踞上之舉汝何不尸卧
順受而使手足捍衛有此撞蹴殺人之舉乎則其人必不
肯知罪自服無辭就死矣此則被猝於人而用手足捍衛
偶致撞不知不覺之中以不知不覺之事用鬪毆殺傷之

律則手足捍頭目之理將無所施矣求生必死政在此等
敢將膚淺之見以備攸司之稟處本曹判書徐浩修回啓
道臣以手足捍頭目之說作爲傳生之端誠未免苟且牽
強矣蓋捍衛之手勢惟恐傷已故畏怯而不猛毆打之手
勢惟恐不傷人故憤激而爲毒正如矢人函人之相反竊
先之手執頭髻推之仰卧則萬伊之手足打踢彼此相撓
固是必至之勢以足仰踢之實狀公證旣已納招則決不
可歸之於偶然撞着請依前同推判付內道啓傳生之
論似未免過於參怨本曹之駁議不害爲守經之道而覆
啓中捍衛之手勢猶恐傷已而不猛云云亦有未盡於事

情者捍衛云者不特衛已亦所以捍人則彼此扶執互相
顛仆之際捍人之手勢果如衛已之手勢而畏怯不猛乎
捍衛二字只作自護而看則謂之不猛似或可也既是衛
內捍外之義則捍人之手足撞著致傷勢所必至今以捍
衛毆踢之手勢辨其有心無心而判其死生者非綜核之
道也大抵此獄肯緊專在於本事之大小傷處之輕重以
檢驗而論則只曰微浮微硬又曰微有青色則傷處不甚
緊重可知矣以本事而言則亦不過路見不平爲人出氣
則元無欲殺之心亦可以推知本事既出無妄傷處又不
甚重歸之於邂逅致命則可也歸之於故意殺傷則非欽

恤之道減死定配

自刺被刺之分

同年南原人崔海刃刺宋連山致死道臣徐有隣結辭三人共聞一人刃死而佩刃者爲崔海則崔海爲元犯若無異辭而蓋被刺於人者以手遮截爲人所傷昭在無冤錄故欲知自刺與被刺以手中刃痕有無驗而斷之若連山被刺於崔海雖一刺之時手已遮截刃痕狼藉况至再至三而兩手毫無刃痕崔海三刺連山而連山奪刃云爾則又有不然者人之刺刃執柄而用刃被刺之人遮截於不知不覺之中手當其刃矣奚暇較計其手之被傷而必爲

執棄刃柄乎臣於此獄多岐庸探則連山爲人奪得曾前
場市與人相鬪拔其刃乘醉咆哮云而至於此獄皆曰被
刺與自刺間實難知得此是本獄事文案外說話故查啓
時不敢舉論而事情巨細終不敢泯默并此尾陳以備攸
司稟裁本曹判書李性源回啓此獄肯緊專在於被刺自
刺之分而當初事端不過因一微事則崔海之拔刃刺人
旣不近理連山之棄刃自刺亦不成說臣之斷以刃傷可
見其委曲詳盡細加探訪而斷獄之要當觀大體實因之
法不出常規三人共鬪一人佩刃則畢竟元犯當歸刃主
其他小小支節不足較論請依前同推判付內此獄肯

腎雖在於被刺與自刺之分而崔海之自刃連山之自刺并姑舍是叅之查案推以常情首先起鬧者崔海也末復結果者崔海也崔海之爲正犯斷無可疑但以被刺自刺一事言之謂之被刺萬無疑晦謂之自刺毫不近似連山則不飲酒崔海則醉酒不飲酒者自刺乎醉酒者刺人乎崔海則佩刀連山則不佩刀拔刃而刺人可乎棄刃而自刺可乎雖曰連山之爲人極孱極羸前此與人鬪鬪之時每每持刀咆哮而持刀擬人易棄刀自刺難以易較難本不襯着道伯又以連山手中無刃痕謂無遮截之事仍作自刺之明據此亦有大不然者被刺殺獄前後何限而未

聞死者手中皆有刃痕今其爲說無幾於穿鑿之歸乎由
前由後崔海無可生之端有必殺之跡此所以求說不得
愍然于中者也然而抑有一事之合商量者海卽稚騃未
成人之人也觀渠愠發於不猛杖執石塊擲小男之狀而
蓋知其兒戲之兒戲則以兒戲之事仍作故犯之罪四次
同推竟至瘦死則是道伯生之而予乃殺之也且念原情
定罪又係此獄之衆情處崔海特爲減死絕島勿限年定
配

原謀共毆威力主使之令

同年長城人金必基毆打車應大致死因道臣徐有隣稟

啓本曹判書徐浩修回啓初覆檢時傷處狼藉詞證明白
下手者雖是貴男主使者既是必基道臣以原謀共毆之
法文作為傳生之端而大明律威力制縛人条曰若威力
主使人毆打致死傷者并以主使之人為首下手之人為
從此獄當以威力制縛之律決折不當以原謀共毆之文
牽合必基之勒偕駙騎姪奴毆人已是同赦之罪而辯出
半千金厚賂屍親圖得誣狀疑亂獄情細究前後所犯真
是無所不為者考之實因叅之詞證斷之律例具無可生
之路貴男之在逃與否固無關於必基之殺活請依前同
推判付內折獄之道以其罪而考諸律罪與律無所叅

差然後雖死者無可訟寃之端原情定罪云者是指輕罪而言也至於大辟情雖痛惡而律不當殺則不可殺也情雖哀矜而律不可生則不可生也若於此或捨其律而只原其情則人之死生當係於刑官之隨時低仰此豈設置法文之意乎今此必基獄事道啓則以原謀共毆下手重之文而置之於生本曹則以威力主使之人毆打之文而置之於死道啓主律而言本曹主情而言必基之撰勢豪強縱奴毆人賂得誣狀眩亂獄事之狀情既痛駭殺固無惜考之於律亦有不然者若使必基捉致應大毆打致死則渠實有殺心奴不過使役主使之律烏可免也而細閱

文宗憲皇帝親臨刑部云情勢千變萬化日積月累則可知其原情殺心

則渠實有殺心奴不過使受主使之律焉可免也而細觀
文案展親雖云借駟干證俱曰禁馬則可知其原無殺心
只見其送奴捉來而未見其使之毆打則又可知其初不
指揮摔曳踢蹴卽厥奴之所自爲而非因必基之令則其
毆之律雖難幸追指使之律似不觀着若使厥奴因其主
之所使而初非渠之所爲則使渠而在不過被從令之律
一躲五年終無形影者亦可見厥奴之當爲正犯之斷案
而因其奴之不獲歸其主於正犯者有非審覈之道以此
以彼決不可斷以償命主情之論雖出深惡之意主律之
論乃是當然之義則法不可以隨時低仰必基叅酌之配
貴男易加譏捕

私和變辭

同年高城人元永辰毆打申成福致死洪川人鄭龍伊毆打宋垣叔致死因道臣金尚集稟啓本曹判書李福源因啓凡係殺獄實因爲重詞證次之今此申成福傷處狼藉實因明白被打致死似無可疑屍親之招初欲私和末乃緩告者蓋出於憑藉徵索之詐省證之或曰不知或稱病死者亦不過周遮彌縫之意則無識小民鄙習常態不可遽以爲不被打之明證至於辜內病死無冤錄果爲有此文而蓋指辜限前傷處已平因他病致死者道也而成福則殞歟多日之後傷處宛然則傷是實因病爲餘事況前

後詔指寢政不一病之虐實亦未可知道狀致辭始則曰
元犯毫無可疑末又云不可直斷被賜者語相矛盾事甚
矇矓酌決一款姑難輕議宋垣叔檢狀則實因在於腎囊
而柔變化爲堅硬血瘡至於紫黑道狀中不足致命之說
未免大錯以此要緊之處有此深重之傷而翌日擔柴又
翌日能赴鄉會語不近理諸指信然則檢狀決是喪失檢
狀真的則諸指自歸誣罔至於屍親之前後變辭跡涉私
和左屬疑端勿論實因與詞證傷人與殺人必須十分鉤
覈方可裁酌輕重元永辰鄭龍伊并令道臣更加嚴查何
如判付內元永辰事疑晦多端道啓之前後矛盾果如

覆啓所論第以干證之招專歸於周遮彌縫而不復卞其
疑端者亦非綜核之政大抵殺獄雖以實因爲主詞證若
不俱備則亦不可遽爾決折雖以檢狀論之右肋重傷至
於致斃之境則決不過十日之限旣過十日則傷處之不
足爲致命之由可知眼下唇上之皮脫若是狼藉則覲面
可知傷處而聞其呻吟之聲其妻姑和被踢者何故傷處
之在右若由壓蹴則面皮雖或損脫肋傷必由拳蹴而又
必在右者何故右傷旣非毆鬪之致則實因之以被打懸
錄者何故屍親之招則曰傷處萬得詳和云而萬得之招
則以爲不知屍親之招則蒙放翌夜爲求展所蹴踏仍爲

多煩苛亦云而夏九之扣則曰蒙瘳後二三日無病往來
於洞中云永辰之招旣曰自十八日至二十二日不在其
家云而得海之招亦曰二十日十八日同宿云爾則十九
日之同宿與否何不更問金叱瓦所謂吾第雖非被打於
汝云云不縛旋解曰足以雪恥拍留之事云者旣發於永
辰之招則何不與之對質覈其虛實以此觀之則不但成
福之死未必不由於他病其傷處之必由於永辰亦未得
其真贓有許多般可疑之端而無一二事必然之跡則今
以發汗腹痛等說歸之於周遮彌縫之料而以傷是實因
病爲餘事之論斷之以償命者實非審克之義也罪疑惟

輕承辰叅酌定配鄭龍伊傷處詞證彼此相左誠如覆啓
所論而第有一款可疑無冤錄云致命之傷當速死之處
則不得過三日而腎囊乃速死之處硬鼎卽致命之傷而
垣叔之死延至八日此其爲疑不啻如申成福矣且于連
諸招雖果多出於誣罔苟且周遮何患無辭而乃敢以衆目所
覩之洞會爲證乎此一節揆以常情似非誣罔則是又一
端也道啓傳輕不無意見反覆叅究宜有可恕之道減死
定配

爲夫借人報讐

同年除承安宗冕被刺於文會所致死先是邑人吳命淡

被宗冕搆訴杖後致死其妻鄭女離宗冕欲報有女不嫁
宣言願許刺宗冕者及宗冕殺死初覆檢鄭女常有膏膽
之語同推云判付內此獄暗中摸來之事元無把捉之
端只憑屍親之指疑勒謂鄭女以首犯寧有如許獄體更
爲論理狀聞癸卯更查道啓吳億春以命淡之徑既把杖
悉甘心下手依法償命鄭女潛喉從姪偕報舊讎嚴勘金
奉圭貪財色而內應以隨從擬律云曹回啓億春刺殺宗
冕無辭自服而鄭女之指喉戕害不爲直陳窮覈勘斷金
奉圭段偕鐺內應不知億春之行兇云者萬萬狡惡更令
嚴查啓聞云判付內此獄之更令究覈者蓋以情節則

至亮悖也詞證則沒把捉也反覆參閱決非一女子之所
獨辦到今疑端漸露真贓難掩畢竟元犯不出所料天理
孔昭焉敢誣也大抵億春之自初所爲言言慌亂節節閃
忽門外之先到獄中之潛囑已極殊常而盛論平日之厚
誼惟恐不知強覓伊夕之厭飭作爲明證前後排布無非
泥數之闢而許多脉絡真成春雉之鳴借鑷之事渠旣自
服持杖之跡人莫不疑始於周歲之後三查之下乃以一
二和應之狀無辭承款蓋億春之於命淡雖有養養之恩
不過總功之親至於鄭女卽是盜酌間小惠則必無因此
而致死之理况半夜刺人何等重事苟非平日之切齒決

無一夕之生心所謂私嫌亦一先天事也攘鷄之宿謬甚
微借騎之交契益密爲人復讎狴聞俠士之舊習好生惡
死可見常情之同然則始因一睚眦之小怨終行三尺刃
之亮謀萬萬不近不可以平問一服遽定疑案正犯其僥
春更加嚴刑此外隱情一一取指以聞鄭女常犯復讎之
心曾有懷刃之行早晚必報之說親戚聞之鄰里傳之衆
其讎人之在近潛與從侄而同事理所必然明若觀火假
手之詐旣成挺身之意漸縮醞釀之跡一味牽掣究厥情
狀尤極巧惡令道臣分付推官亦爲嚴訊取服金奉丰段
甘聽約婚之說指示藏鑊之處則隨從之律固無間於入

睡一款內應之跡終未盡覈刃血之說亦無究竟嚴刑更
查之意一體行會因道啓曹回啓吳億春業已承款考覆
啓聞金奉圭合置隨從之律鄭女卽無執捉之真贓而一
向驅之於同情之科恐非罪疑惟輕之義云判付內并
依回啓施行鄭女則情出爲夫到今別無可問之端放送
乘醉誦符術誤打人

六年壬寅康津張永浩毆打私奴銀男第三日致死實因被
打道啓銀男得病三朝其嫂奉母謂是鬼祟與銀男往見
永浩懇其符術則永浩泥醉不省口誦真言以不推石塊
擊打房壁時銀男傷其要害致死論其不犯有難輕議而

但各人供莫不曰醉中失性屍親亦曰非永浩之欲打而打之云則原情定罪斷以次律實合平允之政云判付內道臣跋語以醉失常性主於原恕者誠未可曉殺獄之願狂輒貸一律則欲殺人者必先飲酒及其成獄則非我也酒也是豈不火閔後弊乎醉後二字宜不舉論本獄考之傷處叅以詞證則有足觀破者屍親以德初招則永浩持石塊入房中巡巡壓腦再招則曰永浩以燠造形石塊亂打門闥之時一番橫觸於銀男之胸膛又曰且以石鑿磨胸膛以德卽受賂屍親福萬之妻則後招之異於前招若有可疑而第以招辭較諸傷處則豈不與再招中一

番橫觸洵然相合乎既是橫觸則大異故殺以此傳生綽
有餘裕醉後云云不亦在乎心坎傷痕知其爲橫觸則斷
以大辟有非雷克之道永浩特爲減死它配南土雜術誠
一痼弊而所謂永浩稱以兩班曰以逐鬼作符誦經誑惑
人心此其罪浮於本罪今若尋常決配則到處有誑惑之
弊他人無懲戒之道配所以咸鏡道穩城府磨鍊

爲女冤死打其姑姑自刺

同年開城府金龍龜以其女爲丁震玉子婦者飲酒致死
率其妻及兄弟鄰里人乘夜齊到震玉家結縛震玉父子
及震玉之母安召史交手毆打而翌曉安召史刺項致死

里任報官以自刺初覆檢以頂心骨傷喉下刃刺實因錄
以被刺里任權太確指內安女流血而坐自言吾寧先死
之狀果爲目擊而未見自刺時云龍龜妻朴召史指內龍
龜之族金重詰以杖擬安女曰汝之孫婦橫死皆汝所爲
云而爲其老未嘗下手云留守鄭昌聖親自推覈金龍龜
自服結案甲辰獄具而上判付內此囚已捧結案將行
詳覈大抵獄已具矣但當依律處斷寔可以一時然疑之
臆料容議於殺活之間而然疑之外更覺有原恕之端焉
此而不言隨乖愼獄恤刑之本意致死安召史孫婦金女
之飲毒與否必須分明剖析可無多少疑端而原文案此

一款未免踈漏此一可疑也正犯金龍龜之爲報渠女之
讎徃打安台史也干犯則龍龜之妻也兄也弟也四寸也
八寸也九寸也異姓族也同里人也凡爲十許人之多同
時作黨并力毆打則况值暮夜無知之際也其縛自誰手
打在何人孰重孰輕孰緊孰歇雖以屍親子婦若孫之共
處一室者猶不能別白指告此二可疑也屍親丁哥招內
龍龜之妻朴台史訛打其母尊位李哥狀中丁哥母安台史
自刺致死里任權大雄以爲吾寧先死之說渠旣親聽於
安女云則打之者朴台史也刺之則渠自爲也正犯之畢
竟承款無或出於推諉不得自甘一死者耶此三可疑也

重詰之疑老婆至謂以孫婦之非命橫死皆汝所爲云甫
則雖出朴召史自明之招而守臣旣以此作爲頂心打破
之證左若非重詰漢手勢則如朴女殘拳弱毆豈有卽地
露骨之舉乎此四可疑也至於區別其被刺自刺之分揅
官意見非無所據刀背卽在右刀銛又在左收手起手從
何知之况無一人證叅然而往三日被刺得無率爾之嫌
乎此五可疑也行亮刀子果然有血染之痕置在厨間屍
親妻拾納云而抑又有起訝者安女死後出入房中者自有
人焉安知非厥漢輩欲避干證之名移置刀子於厨間要
作龍龜之所爲者耶此六可疑也安女七十垂死之老物

也藉令龍龜不刺觀於屍帳傷處渠雖欲生存誠末如之
何矣此七可疑也安女被打後入房病卧而渠之孫子甲
孫在安女之傍而安女時未物故刺之在人己寧有不
知之理而甲孫全事牽諱果何委折此八可疑也右項八
條疑端姑且置之龍龜女之忽地致死在於媳祖母安女
之家龍龜之致疑卽天理人情之所固然藉令金女分明
自決而安女無作俑之事安女之於金女常常侵困備經
苦楚轉以至於齟齬寃辨死之境此安女殺之也挺與刃無
異者政為安女準備語又思之威逼人致死亦自償命當
償命之人為金女父者秉憤必報夫誰曰不可謂之擅殺

以不告官律論可也謂之枉殺以償命律論不可龍龜傳
生然後可以正舅姑之義而敦父女之倫此亦崇教化之
一大関揆金龍龜加刑一次減死定配

兄弟推諉不爭死

同年大邱徐膺復毆打崔允濇翌日致死其子亨曾擊鐸
原情內矣父為允濇父運爰所打故矣叔膺海及矣父與
允濇扶執相鬪而允濇以數年瘡痛人翌日身死云令道
臣查啓甲辰使之依前同推庚戌別諭內朝家自見此
案深愧教化之不敷大抵渠之兄弟若爭死則畢竟並生
愚夫之所知渠等乃不能辨此三尺重典之互欲替當雖

不可責之於如渠禽獸不若之類而并與一時訛推推諉
不已卽此渠等之罪可謂殺無赦卿其捉致營庭親執箇
箇嚴訊誨之以兄弟之倫在於五常以何心腸必欲視其
抵法而不欲相救委折反覆詳覈仍以虞芮息訟率教大
文縷縷剖析如卽輸款具格狀聞前道臣鄭昌順洪億論
啓殺獄細事在所不問倫綱所關宜所扶植膺復兄弟宜
置一律云判付內徐膺復之殺獄死之本獄屬之餘事
以鄒魯之鄉有蔑倫之舉此爲一方之羞恥古之民兄弟
爭死今之民兄弟推死氓之蚩蚩豈有古今之殊而治隆
於上而俗美於下則不提誘而自然知爭死之義反是則

非但不爭死反欲推死何誅於膺復何責於膺海此所以
朝家自咎而自訟不敢放忽看過今因論啓更又反覆細
繹不覺燭之屢跋大抵治不隆俗不美職由於朝廷之教
化不敷聖人豈不言不教而刑乎原獄是也朝家每見似
此文案未始不掩卷不樂者久之只以原獄情實言之則
死者之有病無病姑無論共犯則共犯不分明則果不分
明如許干科多付生典令道伯膺復嚴刑次次準三次放
送仍屬本邑奴案膺海捉來嚴刑三次

咀呪之獄

八年甲開城府韓命柱妾福德以埋凶事乙未獄成戊戌

因福德子孝信擊鐸回啓更查是年議啓判府內殺獄
之疑晦者何限而有屍帳實因焉猶可細心推究而無形
跡沒把捉者未有如此獄之甚名曰咀呪之獄而所謂咀
呪者直是點昧之捏合者耳始因婦女之嫵猜無以巫卜
之誑惑積小成大指疑爲真一經繡衣之啓而遂成斷案
矣朝家於庶獄未嘗或忽焉丙申年該留守之查啓也非
不欲卽地決析經年重獄有難容易勘處姑令究覈荏苒
迄茲福德之斷以死囚者其目有三焉一則饅頭置毒也
一則拜竈祝願也一則八處埋函也若謂之置毒則韓命
柱招中癸巳歲初其孫福彬之往見福德也福德背坐不

受拜云拜且不受則宜無饋饅頭之理雖或饋之福彬宜無受喫之理正月服毒之人決無八月始死之理腸出之說元男旣稱不見則此一節已為落空若謂之拜竈則此係極陰秘至奸慝之事福德雖甚愚迷昏夜暫拜暗地祈禱則容或可也而乃於金女所聞見之處攢手發口云者萬不近理激憤錦與錢之致疑至祝偷竊人之卽死者婢妾之賤無恠有此等舉措此一節又涉構捏若謂之埋凶則步瓶射箭之說已極虛詭妖誕而況且主張者林女也指導者林女也金大黃老卽德之喉嚨呂串致金奉伊之教誘者皆是林女所為衆口同然一變前招此一節尤屬

虐妄凡此三条皆不近似而雖以理函一条言之喪威震
剥之餘一朝掘出穢物則其母其妻之心深幸罪人之斯
得先經命柱之眼顯數福德之罪然後深藏篋笥以作真
贓者事理卽然而今乃曰留之無用卽投浦口云以此陷
人人孰信之大抵命柱者以財則饒富也以年則衰耄也
辛卯鰥居之後福德始爲同室命柱則日益老昏福德則
况多子女嫡庶之間易生釁隙爲命柱于婦及孫婦者或
慮家政之漸侵或恐財貨之見棄未嘗一日忘福德而數
年之間三喪荐疊新悲舊憾積不能堪思所以動命柱而
去福德者尤無所不用其極惟此咀咒之變卽命柱數十

年前所親經而驚心者而其事最難其言最易入故假托
疑似之跡潛售恐動之計曰置毒曰拜竈曰埋函而五六
年率畜之命枉亦且惑其說而發之官庭驟見則端緒錯
出徐考則脉胎相連究其設心用意吁亦巧且惜矣八十
垂死之女至今滯囚備經刑訊究竟無期所可恠者御史
按覈時福德之三子一女若兄若婿之嚴刑取招者非惟
失之已甚抑且法典之所不許也所可惻者福德之子女
尚在覆盆之下不盡人類此亦王政之所不忍也方當審
理之日宜施曠蕩之典福德特為放送干連人所犯雖有
輕重淺深之不同而旣已反案之後不可以事在年久而

置之不問金召史金大黃老郎德金奉伊呂串致鄭之成
金命濤金興哲等已故者外并嚴刑一次懲礪放送之意
令付本府留守處

疑以盜賊毆打

同年永興孟才云毆打李千歸翌日致死實因被打因道
啓曹聞啓一人致死六人滯囚以干連五人酌放之意論
啓宜有欽恤之道而孟才云與謀殺人命情理陰慘煞有
不同千歸之過去孟才云乃在開東時頗似曉夜作賊之
蹤則才云纔經火賊安得不致疑如盜賊追捕如盜賊乎
况恠而詰問聽而不答衆人眼到徃先拔刀故才云等不

和爲平民彼以刃而刺之此以杖而拒之互相撞打而才
云等之不死於刃千歸之獨死於杖特以衆與寡不敵幸
不幸有命而已刃刺之下理難拱手杖打之舉意在自救
若使彼此俱不死而對訟於官則刃刺之罪當重於杖打
而今則此生而彼死情雖可恕法固難貸云 判付內凡
斷獄之體不過曰情法情苟可恕法亦隨輕此所以有寧
失之訓惟輕之論也大抵此獄細究其情反覆參商則千
歸之死非死於才云之手而實死於渠所拔出之刃方其
曉色熹微松陰森密之地何來一漢隱身急步已背囚首
行止殊常則以才云新經賊變之心其疑而欲追追而欲

捕者蓋亦固然之勢也如使千歸明其非賊而任其追來雖至於受困之境庶免被打之患乃反拔出自刃直前行刺雖無才云家行賊之物而實有追來人刺害之心當是時也才云之杖安得不重打而衆人之手安得不共犯乎然則殺千歸者雖曰才云而千歸所以至於死境者以其拔刃之故也使千歸若無拔刃之舉則才云之杖豈至於必殺乎再云所以一打再打至於衆人之共打而不暇念其重傷者一則以拔刃之故而明知其為賊也二則以拔刃之故而急欲其自救也白晝拔刃較重於夜竊入家而明其為賊無過於以刃執賊則此與無故相殺及有意欲

殺者怒有間焉律有眚火賊登時打殺者勿論之文此獄情法雖不與此比擬而當初急步類似賊縱向後拔刃明是賊情則才云之心只知為拔刃之賊而彼刃既亮故我杖亦猛手勢急據杖頭蒼黃要害被傷有未暇顧者也想像其情此已足怒又有六人同心齊憤只顧亂打則其誰杖之先犯要害某人之下手最重實是被打者之所難分卞而打之者之所未料量者只以孟村之被打而遂定才云之首犯此亦非原情之論以此以彼才云之至於償命殊欠審慎之義才云加刑一次減死定配共犯才倫等五人分輕重或刑或杖並卽決送事分付

醉飽內傷等踏實因捏合

同年价川康晚旭等踏李貴加未第三日致死實因初檢
等踏覆檢醉飽內傷三檢醉飽後被人蹴踏內傷道啓晚
旭與貴加未平生所昧本無恩怨酒後爭道之事作爲言
詰之端不計死生極力等踏似是必無之理無冤錄曰如
無痕損卽酒食醉飽過度脹滿心肺致命今此貴加未致
死勒謂之晚旭等踏恐非審覈云曹回啓 判付內去年
來馮狹斜相逢怒因集蹊而不過加箠醉倒額暈而只見
破笠則夫豈有頃刻殞命之理乎傳補鞭雖長不及腹經
云行人牛邑人灾正謂此獄準備語也真鴈之行緩返而

盃酌不勝聞雞之勢雖急而罷仗至小被酒則劉阮同歸
起鬧則秦楚惟均當是時也莫辨誰生而誰死及至幸者
生而不幸者死欲因不幸者之不幸又使幸者而不幸焉
則等是死耳初豈有幸不幸之間然乎又况酒氣內戰寒
威外逼彼顛此仆委身於凌陰積沍之中則雖非打也亦
卽當死以實因言之三次檢驗無一傷處或曰被等或曰
內傷此則初覆檢狀之不審而及夫三檢之後捏合兩檢
文脉醉飽被等內傷云云豈有如許獄體當該三檢官令
該府拿問處之晚旭分付道伯嚴刑定配

爲妹冤溺打殺其姑

同年安東權福順縛打其妹之姑金台史第八日致死實
因被打曹回啓福占投溺旣由姑惡則福順縛打欲洩妹
寃而查家反爲寃家姻親便屬屍親福順之招語多窘迫
至以遍體傷痕敢諉吐瀉者已極狡惡槍柄猛打之說旣
發福順婢夫之招則成獄一款無容更議依前同推云
判付內致命之以病以打犯手之在彼在此姑勿論按獄
無原情之法則已不然則此囚可活不可殺也同氣至情
人孰不然而福占甥妹則筭髻之齡旣隔二年之間瓶壘
之痛俱在十歲之前零丁孤子相依爲命及夫覆巢餘卵
彼婚此家則其期望愛護之意十倍他人或恐一日不安

於舅家翻唇之誚無奈乎姑惡鑠骨之謾未免於婦嘆戴
千釐以出暨夕飯不來欲歸則歸輒被嗔欲逃則逃亦無
處悼身世之悲楚恨命途之險熾彷徨踟躕於日暮空江
之濱竟作楓林投水之魂則情景之慘惻煩冤之結輻行
路聞猶掩涕況爲其甥者舊痛未艾新哀斗發當是時窮
天極地之冤其將如何分解於是乎綑縛其夫毆打其姑
詰阿妹之姑限問其姑之逼殺以爲一半分前譬雪憤之
道者天理人情之所可已而不已者原情之論不於此四
而何施也福順特爲放送

打殺雇工兄弟爭死

十一年耒挹川李光晉毆打柳福萬第二日致死實因被
打光晉第光昇擊錚原情內柳福萬以矣家奴良產無作
婢夫而作罪逐送矣福萬拔劍直赴矣父故矣兄弟毆打
致斃矣兄弟雖僅死無愧而矣身以干犯致送矣兄為元
犯而加刑乞令矣身得被首犯之律云行查道啓殺獄之
元犯干犯全以下手之先後輕重區而別之而腦後之最
重而光晉先之額角之稍輕而光昇次之及其櫺庭之將
令首從也其兄則或恐貽禍於其弟其弟則或恐移罪於
其兄乃以毆打時未知誰先誰後一直粧撰以售疑貳之
詐而真木之打腦北木之打額各憑已捧之詔仍成牢決

之案則不可遽然傳生依前同推云 判付內福萬二拔
刀允為兩遭而一拔於店上已露凌犯之心再拔於家前
將售擬刺之亮則伊日光晉輩之擁遮渠父脫身逃命特
幸耳從茲以往彼則為枕上之肉此則為恟弦之矢及其
再來之時藉曰刀在地上火握拳中而想其頭勢之可怕
可愕則在地之刀安知不及身握拳之火安知不衝簷而
到了這箇境界光晉兄弟之只知為親不知有已即地跳
下僅力毆打者天理人情之所不可已我國崔與全之別
未有一定之制比隣生長既作婢夫多年賃傭有異常人
而渠祖渠父及渠之祖母無非李哥收貢中舊物而以渠

母之良不入於帳籍此諸道啓所引洪烈曾事石有聞焉
且光晉兄弟之方其下手也禍迫燃眉勢急捍頭兄先弟
後弟重兄輕之全不記得容或無恠而檢庭之將分首從
兄則謂以躬犯營邑之已決因放弟則稱以吐實誓不獨
生爭得一死始也以子而爲父終焉以弟而代兄噫王者
之政當以馭勵爲先而律或有時乎撓屈罪人李光晉光
昇以此曉諭後放送今以諸招觀之可見其許多苛酷之
舉似此武斷之習若不痛繩則小民何以措手足乎事端
發現之後不可以二子之曲怨置之不論光晉父李哥令

查官嚴刑懲勸

夫爲元犯妻投水

同年安東朴丁乙石打權德萬第五月致死實因被打道
啓丁乙就獄其妻金女投水則是心知其夫之必死寧欲
此身之無生卽此一款亦丁乙之斷案云曹回啓判付
內一牛賣買胡大事乘醉舉石破人頭腦血縷縷不絕五
日致命又使其妻痛夫速獄便決就死是因牛而殺人殺
人而又殺妻也苟使渠有一分不泯之良心官家雖不殺
渠渠當挹著自處抑何肝肚仰首求活而反以一人致死
夫妻償命爲冤枉等說無難納供者尤見其可殺也然緹
縈上書太倉除刑吉盼代囚原鄉免死父子夫婦均屬三

綱惟今丁巳妻金女同出棗爨之天而有如白水滅身無
悔反復勝於緹縈吉盼丁巳之罪有萬可殺而烈如金女
爲渠之妻三尺化三綱孰輕孰重豈忍如法償命於烈婦
之夫使貞魂義魄徊徨掩泣於九泉之下也緹縈吉盼以
女若子而脫其父於死哀彼金女獨不可以以妻而救其
父將死之命乎或者曰金女之烈誠凜然因是而救其夫
德萬之死無以償矣不亦冤乎云此有不然者一人致命
一人償命金石之典也彼金女代夫死便亦償命在德萬
復何求大抵三尺雖云不輕三綱尤係莫重活丁巳表金
女之烈不至太枉法丁巳加刑一次減死定配而發配之

明以山半下詳細曉諭金女棹棧匠無所惜而既活其夫
旌孰大焉先施給復之典俾聳遐土瞻矚仍令地方官將
此處分辭意宣布民間咸知三綱重於三尺

貞女打殺強暴者

同年龜城崔名史鑒打李三致第七日致死實因被打御
史李崑秀別單內打殺無疑而絜身免恥爲可尚合施傳
生云曹回啓力強暴免汚辱者亦足可尚殺人之法嚴重
施以次律恐不可以云判付內江漢遊女貞白自持詩
人詠而歸之文王之化而噫今薄汚之俗邈矣漸被之義
乃聞有崔女天守之事誠異矣以鑒打腦無異於擲梭折

蓋則此而成獄未知爲當今行專爲平山獄按查而與此
獄姓同事亦同同是滿污平之崔班族而有潛奸之惡龜
之崔常賤而有拒奸之節朝廷彰彈之政不施於此而獄
而何以繡單則傳之省科卿啓則此諸次律俱各有所據
而王政先務風化本案宜有活法崔女特爲放送

子爲元犯母投水

十二年^{戊申}慶州權相萬足錫金丁三翌日致死實因初檢
被打覆檢被踢其妻李仁史擊鋒原情金丁三以十文錢
不報事醉辱其媳母故矣夫相萬以蘇燈木打臂五度丁
三卽日往三十里市場大醉暮還翌日致死成獄覆檢日

矣媿母大咽中曰吾子當死權氏亡矣生亦何爲赴川
而死云行查丕道道啓傷處狼籍元犯輸款其母溺死雖
極慘憐法意不可低仰云 判付內殺死之疑眩者強半
揆理衆情模索執之難保其一平當此獄反於是蔽一
言曰凶身不可赦杖打前二日手以摔足以踢忿頭當下
其勢之獍猛無顧忌持次第件事重之有兩指大燈油木
幾度之毒打大抵丁三不死於初逢打時而拖命於再逢
打日亦云太遲矣况時丁庚暑體無完膚長潤過尺寸色
澤皆紫黯考之屍帳不翅狼籍殺丁三者一則權哥二則
權哥權哥之償命不須問漢法 明律而斷焉寧有更容

他喙然殺人者死重王法也旌獎烈節重天倫也王法有
時裁酌天倫萬古撐亘法可屈倫不可壞朝家於此獄亦
以爲云權是遺腹子也權之母金女痛子將死對衆誓告
乃投前川而死死之者非爲子也爲舅也臨死一言足
令聞者隕涕此豈非烈乎節乎豈可諉之浪死乎前此似
此獄案一犯兩死未嘗不屈法傳生烈如金節如金而終
不獲活其子於必難活之境則烏在乎重天倫也朝家方
急於敷倫何暇拘於屈法權相萬特爲減死施以次律

踢殺打病第之人

十三年配長興申汝調見其隣人金順昌以失三升麥毆

其病身折民順目足腸腹音結實致死因道啓書因啓陸
舍閱牆之變雖曰可惡同里纓冠之救固已太過矧又繼
之闢加之錫終致殺越之變在法必死云 判付內闢固
不緊何關於渠乎打瓦無義何干於渠乎闢打之不足殺
以結其末死者之以微細物致有閱牆之變風化所關人
理滅絕以化隣之義起血氣之忿趕往力救猶不是理外
之事止此足矣次次層激渠反替溺於死律此所以殺獄
不可遽議原情此獄必欲拔例三致意者觀此因啓措語
守法之論不可不從依前同推事分付庚戌 判付內申
汝侗之獄諺有之鍾街烟肆聽小吏稗說至英雄失意處

裂眦噴沫提折草鋤直前擊讀的人立斃之大抵往往有
孟浪死可笑殺而朱樵樵羊角哀者流古今幾輩汝侗者
朱羊之徒也目懾閱牆潑漢斗湧百丈業火往日無恩今
日無惡瞥然艷然之間趕入滾闌場中捉髻而踢曰同氣
之聞倫常之變毀爾廬逆吾里傍之觀責汝何干則曰吾
義彼反怒彼踢吾亦踢噫汝侗死也休怕非士師而治不
悌之罪者非汝侗之謂哉錄死囚凡千若百其侗儻不碌
碌於汝侗見之有以哉汝侗之名不虛得也汝侗故

貞女刺殺醜誣之女

同年康津眼愛亂刺安召史即地致死實因被刺銀愛招

內笑身未笄時鄰居安白史為其媳妹之孫崔正蓮居媒
於笑身而笑父母不許則遂與正蓮做出潛奸之計欲以
勒成婚姻前冬正蓮見笑甥大言已奸故笑身按劍往聞
為其祖母挽解及今春笑身出嫁于金養俊則安女與正
蓮做言播說有倍前日乃於昨曰安女倡言曰當初正蓮
言於吾曰若居媒則當給藥價云故吾果行媒成事矣今
汝適他故正蓮不給藥價事甚絕痛云笑身從前切齒之
餘又聞此言欲以一刀并殺安女及正蓮持刀潛出往安
女家則安女脫衣獨坐故笑身數其罪且言當刺殺安女
反作色曰汝欲刺我則刺之矣身憤益激直入刺其項安

女執矣身把刀之手故矣身袖手亂刺又欲殺正蓮轉往
正蓮家忽逢矣母被其挽執初意未遂憤惋益切自官打
殺正蓮則至寃可伸矣矣身以衣冠人之女兒白地遭此
醜誣豈非刻骨難洗之寃乎安女致死之後正蓮之母與
祖母來懇曰正蓮年少之兒安女喪性之人雖或造言傳
播人孰信之安女今已殺身足雪被誣若復告官兩家子
女難免罔赦之律死者已矣不必提說云故矣身聽其言
未及自首云崔正蓮招內矣身既幼穉且與銀愛同生甥
同學一齋故彼此往來不分內外而安女以狂妄失性之
人做言矣身潛奸銀愛至使恩愛父母移惡矣家而矣身

則初無潛奸之事豈有造言之理云道啓判付內在法
豈有一毫他疑而其情也其跡也其事端之所由作也其
手勢之所以然也爲深罪之階乎抑爲原心之資乎有非
一獄官之所可斷發遣卽官問于左相以聞左議政蔡濟
恭以爲安女做出無根之言則銀愛之憤痛欲報宜無所
不至乘安女獨坐之時猛加手勢蔡以事情固應爾也雖
然約法之章只言殺人者也初不以其心其情蔡錯言之
安女誣人律不至死銀愛報毒罪在殺人上裁判付
內天下之功庸徹骨之冤憤莫過於貞女之以淫被誣卞
冒此名便溺於萬仞坑塹坑可攀而上塹可躍而出此名

欲辨何以辨欲洒何由洒乎徃徃冤功憤激自經溝瀆以
暴其碧碧其情實者間有之銀愛者渠不過十八歲女子
耳渠以江漢守紅之跡忽遭溱洧玷白之辱而所謂安女
粧出掠花之震影閃弄哆箕之饒舌雖在未結禍之前尚
且決性命辨真僞要作分明之身況新緣纔觀於旭鴈毒
射復肆於沙蜮一言脫口百喙吠聲城之歌四面皆楚
則冤功憤徹將判了一死但恐徒死傷勇人無知者在是
乎提出床刀走到仇家說得痛快罵得痛快畢竟白白晝
刺殺一箇潑婦使鄉黨州閭曉然知自己之無異彼仇之
可報而不效巾幗髯婦既犯殺越反事變幻以丐其僥倖

一縷者流此誠熱血漢子所難辨而又非偏性弱女匿冤憤而自經溝瀆之化也若使茲事在列國之時則其外死生尚氣節可與鼎政妹跡件而名齊太史公亦當取而書之於游俠傳未往在數十年前海西有似此獄案按道者請原之朝廷下褒諭卽命釋之厥女出獄媒僧雲集以千金賭其女終爲鄉班之婦至今傳爲美談惟今恩愛辨此舉於旣嫁之後尤豈不卓然乎哉恩愛特放日前長興申汝侗之傳生出于重倫常重氣節也惟今恩愛之特放亦類是耳兩案梗槩及所下判辭瞻頌道內無不知人而無倫常無氣節者與禽獸無異則未必不爲風教之一助云爾

傳曰恩愛事以氣魄之卓然有特效之命而以若強悍雪
若冤憤則初欲下手而未果之崔正蓮安知無更遭銀愛
盡手之慮乎然則欲活銀愛反殺崔漢烏在其重人命之意
乎昨夜適閱審理判辭有此下教此誠浮念則浮念所關
在於人命令該曹校舉行會該道卽爲嚴飭地方官招致
銀愛於公庭以更無敢犯手於崔正蓮之意捧俵報營事
分付

父被打子不極救

同年平壤朴中興足踢李光麟卽日致死實因被踢道啓
至親孀婦受賂行媒罪關停倫不還賂物打殺錢主亦陞

亮寧傷痕狼藉行亮自服則獄情無疑鐵案已具而獄老
生奸推諉於不當之人者萬萬痛惋亟施償命云 判付
內至親孀婦受賂欲賣於他人其罪萬可殺其心亦萬可
殺本犯之外又犯殺獄萬萬可殺嚴飭訊推斯速捧結案
斷不可已然法律雖重倫綱尤重渠既被縛於人而渠子
來救解之也渠子向縛者極力猛打卽天理人情之所當
然若猛打也則光麟之死由於學良若不猛打也則光麟
之死由於中興爲其子者見其父之被縛命在於頃刻而
不猛打寧有如許倫理乎不然則此獄下手重當以學良
論觀此招供學良萬可殺之罪反有浮於中興供中牛鞭

一打之說不可但以雍容言於是乎倫理滅絕卿其挺致
營庭先從學良箇箇嚴訊直捧正犯遲晚仍又具格捧招
以聞法律比倫綱猶屬第二件事以此處分頒之道內使
賈賈之俗知有父父子子之倫道啓朴學良賜殺李光麟
旣已承款依例捧結案云傳曰前此判下之搜定元犯
捨却已輸款之渠父另訊於渠使之直捧結案出於重倫
綱也觀此渠之自初吞吐非推諉於渠父卽因渠父替當
而然聞此不覺爲之憫惻大抵下手重用意緊者渠也然
見其父之被縛垂死之狀而不打縛之者是豈人理乎不
打爲罪打豈至於償死考之律文似此情死應在原恕之

科朴中興學良等放送

淫女之夫刺殺淫女

十四年嶺京居曹命根刃刺其妻婢三每卽地致死實因被刺曹完決三每行淫旣不目擊而三處刺刃渠旣遲晚結案取服云 判付內此獄一言蔽之曰不當成獄挽裳者對辭者爲其夫所殺刃令成獄卽 先朝受教也三每之所爲豈比於此挽裳又豈比於對辭乎渠以私賤兼有淫物之行朝李暮張人盡夫也其跡甚於和奸其賊深於登時所謂渠天命根者特臟腑未具之漢忍憤太過沒覺無雙屢遭奸夫之毒拳流血淋漓不思處置之方及至奸

夫生荷杖之訐厥女逞倒戈之謀命根姑不得不千趨萬
趨以所佩刀向三每露刃擬股而三每發惡命根蒼黃於
焉之頃淫女殞其命足可謂乾道不可誣藉令三每寃死
命根故犯夫殺妻之獄事近過誤情出邂逅而有所生者
多傳生典况命根七子一女云爾者乎如渠禽犢尚有一
分一人心則反不若豺虎之戀雛由前而殺無惜由後而
殺無惜卿等之違越受教徃先完決難乎免於不審卿
等推考命根持攷

奸夫殺貞女

二十三年起東萊孫貞日獄事判付內政司學問世鵬

之莅豐基也有貞女之獄而未得真贓嘗晝寢夢見朱旗
三出於鈴庭仍覈正犯而雪其冤矣精誠所到發於寤寐
蓋如許而今之獄吏則不然每當疑案未嘗念念存在惟
以膚淺見得文之以辭乙仍于疑上生疑轉入三昧是如
乎漢高帝置相取王陵之勁直周勃之重厚而以陳平輔
之陳平之文難於獨任而然此所以深達治國之體者也
今此獄案閱歷五方伯惟尚文辭全無實際一句哀矜惻
怛之義固如是乎不但爲獄案寒心爲世道可勝憂嘆血
痕之大小道里之遠近果可爲明析之證是隱乙喻左氏
所謂及屢殷輪在於傷者不在於傷之者則殺人與殺鷄

之血其大其小適然也非必然也韓氏所謂一日千里在
於路則克身與官隸之行其遲其速偶然也非斷然也然
而許多行旅必沾總角許多總角必沾貞日則藉使貞日
非正犯是良置捉得分明這正犯之前正犯是如云云之
貞日豈可無端全釋是旡到今獄老七年之後因一鄭求
新之變招遽然傳之於惟輕之科是隱則朴女守紅之冤
終無可白之日古今寧有是理屢度行查積成卷軸而騎
驢覓驢便成一場閒話姑依諸議施行期於得實以聞
爲旡以若朴女之貞節只復其家不旡其門可謂久典闕
事分付道伯令地方官表其門里以聳邊俗爲旡邑名朝

歌墨子四車則里稱 宗禎書之獄案實非鑄京西方之
意該曹該道知此厘正

信川囚崔特赤獄事

判付內此獄案判然有理會處而成獄三年訖未究竟既
無執贓之跡又無立證之人當初嫌端雖緣倉昇之暫奪
末後逢場至有酒盃之相勸則夫豈有故殺之意是亦設
使大段爭鬪喫他毒手猛拳是良置養役非殘喘之所自
力里任非病脚之所自強而及其處幕而取汗脫袴而觸
風寒氣襲其外餘毒注其內則其矣致斃之由專係調將
之失宜而遠引十數日前與人相詰之事勒謂之曰業尚

之死非病也打也安有如許獄體是殛屍親之指亦云周
行巧曲有所觸風是如爲有則特赤之尚今滯囚有乖欽
恤之意加刑一次放送

京囚方世興獄事

戊午五月

判付內不逢踢而斃不下手而償可謂可笑殺孟浪死跨
在腹上者死沛於榜下者生亦可謂秋毫匹雛四人共醉
迷離顛倒褪卸衣冠扶挈腿脚如馬喜戲如鷄觸抵及夫
席散人去酒醒魂定之後過去光景細細想來追理無形
之踢惹憾不意之打忍探囊中舊箴別人角牌曰意者這
漢毆我恍惚謔嚙瞪目僵卧難以苦主革雪冤刷讐之心

左右榜索捫捥我負一瘦而造益之金宗海羅橫數再轉
而執腎之劉宗大爲正犯欲問叅證證指烏啄欲尋傷痕
痕損烏有於是乎卿等喫出一必字言賜則曰是必仰賜
言撞則曰膏必俯撞必之爲言臆定於未然之辭也可活
之獄將一必字而勒成可殺之案將一必字而硬斷凡於
不必然之處每以必然自解此囚之生死惟關一獄之枉
直此路不防自此一必字恐爲荆棘之歸卿等推考劉宗
大身已特效

[illegible][illegible]

謀殺人○凡謀殺人造意者斬從而加刃者絞不加刃者

杖百流三

從而加刃謂同謀共殺殺時加刃者若雖不下手殺人當時共相擁道或恐嚇遮阻使之

無所逃竄如此之類并是加刃者

若傷而不死造意者絞從而加刃者

杖百流三不加刃者杖百徒三○若謀而已行未曾傷

人者杖百徒三為從者各杖百但同謀者皆坐同謀者雖是不

曾杖百亦○其造意者身雖不行仍為首論從者不行減

行者一等

減行者謂各減不加刃罪一等

○若因以得財者同強盜不

分首從論皆斬

謀殺制使及丞管長官○凡奉制命出使而官吏謀殺及

盜各衙門印信者斬盜關防印記者杖

百盜軍寇者計
罪以凡盜論盜
應禁者與私有
罪同計雖徒重
盜倉庫錢糧不
分首從并贓論
罪私致囚人與
因同罪

部民謀殺本屬知府知州知縣軍士謀殺本管指揮千戶
百戶若吏卒謀殺本府長官已行者杖百流二已傷者
絞已殺者皆斬

謀殺祖父母父母○凡謀殺祖父母父母及期親尊長外
祖父母夫之祖父母父母已行者皆斬已殺者凌遲處
死謀殺總麻以上尊長已行者杖百流二已傷者絞已
殺者斬○其尊長謀殺卑幼已行者各依故殺罪減二
等已傷者減一等已殺者依故殺法

依故殺罪減二等者謂大功以下尊長故殺卑幼者絞若謀殺而巳行未嘗傷人杖百徒三已傷杖百
流三其兄姊故殺弟妹及伯叔故殺侄并傷人杖九

妻妾毆故夫之父
祖者與毆舅姑
罪同舊舅姑毆故
子孫改嫁妻妾者
與毆子孫婦同

傷杖百徒三○若奴婢及雇工謀殺家長及家長之期

親外祖父母若總麻以上親者罪與子孫同○凡妻妾

謀殺故夫之祖父母父母者并與殺舅姑罪同○若奴

婢謀殺舊家長者以凡人論謂將自己奴婢轉賣他人者同凡人

殺死姦夫○凡妻妾與人通姦而於姦所親獲姦夫姦婦

登時殺死者勿論若只殺姦夫者姦婦依律斷罪○其

妻妾因姦同謀殺親夫者凌遲處死姦夫處斬若姦夫

自殺其夫者姦婦雖不知情絞

採生折割人○凡採生折割人者凌遲處死妻子及同居

家口雖不知情并流二安置為從者斬若已行而未傷

造織緯妖書妖
言及傳用惑衆
者不令首徒斬
若私有妖言隱
藏不送官者杖
百徒三私藏天
文圖讖私習天
文者杖百

人者亦斬妻子流二爲從杖百流三

造畜蠱毒殺人○凡造畜蠱毒堪以殺人及教令者斬妻

子及同居家口雖不知情并流二安置

蠱有冬種罕能
究悲事閑左道

不可備知或集
高蛇蠱之類造
謂自造畜謂傳
畜謂相食皆盡
造合成蠱雖不
曾

用以毒人但係
大并斬若教令
者止坐本身妻
子不在斷沒之
限○若

造魘魅符書咀咒欲以殺人者各以謀殺論因以致死

者各依本殺法欲令人疾苦者減二等其子孫於祖父

母父母奴婢雇工於家長者不減或魘事多方罕能詳悉

身刺心釘眼繫
托鬼神或妄行
左道或呪或咀
欲以殺人者各
以謀殺

傷論謂人如或
謀殺凡及尊長
卑幼人及期親
以下尊長卑幼
者各傷

律論減二等者謂各杖已行已傷上減等○若用毒

藥殺人者斬買而未用者杖百徒三知情賣藥者與同

罪謂至死杖百流三

鬪毆及故殺人○凡鬪毆殺人者不問手足他物金刃并

絞故殺者斬○若同謀共毆人因以致死者以致命傷

為重下手者絞原謀者杖百流三餘人各杖百謂如甲

謀毆丁甲係原謀之人雖曾下手却非致命之傷或不

曾下手乙却將丁毆傷致命乙合處絞甲不限所傷輕

重杖百流三丙屏去人服食○凡以他物置人耳鼻及孔竅中若故屏去

人服用飲食而傷人者杖八十謂寒月脫去人衣服絕

飢渴人飲食登高乘馬

私去類令至篤疾者杖百流三至死者絞若故用蛇蝎

毒虫咬傷人者以鬪毆傷論

戲殺誤殺過失殺傷人○凡人戲而殺傷人及因鬪毆誤

殺傷傍人者各以鬪毆殺傷論其謀殺故殺而誤殺傍

人者以故殺論○若過失殺傷人者各準鬪殺傷罪依

律收贖給付其家

過失謂耳目所不及思慮所不到殫射禽獸因事投擲磚瓦不期以殺人

者或因乘高險足有蹉跌累及同伴或駕船使風乘馬驚走馳車下坡勢不能止或舉重物力不能制損及同

舉物者凡初無害人之意而偶致殺傷者皆準鬪殺傷罪依律收贖給付被殺之家以為營葬及醫藥之

資誨曰準鬪殺傷罪者謂準鬪毆條內殺人傷人之罪為法依律收贖非如名例律稱準者罪止杖百流三之

準若過失殺人者依死○若知津河水窰泥寧而詐稱

平淺及輒渡船橋渡而許稱牢固誑令人過渡以致陷溺死傷者亦以鬪殺傷論

夫毆死有罪妻妾○凡妻妾因毆罵夫之祖父母父母而夫擅殺者杖百若夫毆罵妻妾因以自盡勿論

殺子孫及奴婢圖賴人○凡祖父母父母故殺子孫及家長故殺奴婢圖賴人者杖七十徒一年○若子孫將祖父母父母屍奴婢雇工將家長身死圖賴人者杖百徒三期親尊長杖八十徒二大刃小刃總麻各遞減一等若尊長將卑幼屍圖賴人者杖八十

弓箭傷人○凡故向城市及有人居住宅舍放彈射箭投

擲磚石者答四傷人者減凡鬪傷一等因以致死者杖

百流三

杖減等謂如毆人血出耳目者本律杖八十若如上箭磚傷人杖七十

車馬殺傷人○凡無故於街市鎮店馳驟車馬因以傷人

者減凡鬪傷一等至死者杖百流三若於鄉村無人曠

野地內馳驟因而傷人致死者杖百

本律稱杖百即傷又至折傷以上律

既無文

若因公務急速而馳驟殺傷人者以過失論

謂

街市鎮店殺傷及於鄉村無人曠野殺家其於鄉村無人

曠野地內馳驟傷人者勿論

庸醫殺傷人○凡庸醫為人用藥鍼刺誤不如本方因而

致死者責令別醫辨驗藥餌穴道如無故害之情者以過

先殺人論不言行辱○若故違本意將病取財者言賊
準盜論因而致死及因事故用藥殺人者斬

窩弓殺傷人○凡打捕戶於溪山曠野猛獸往來去處穿

作坑穿及安置窩弓不立望竿及抹眉小索者答四以

致傷者減鬪毆傷二等因而致死者杖百徒三追徵埋

藥銀

減二等者謂如折人一指杖百減二等則杖八
十又如毆人至篤疾杖百減二等則杖九

十徒二
半之類

威逼人致死○凡因事威逼人致死者杖百若官吏公使

人等非因公務而威逼平民致死者罪同

凡因人有違
理之事却用

威勢凌逼以致其人畏懼自盡者杖百官吏及公使人
等因私已事務倚恃官府威勢將平民凌逼以致自盡

夜無故入人家內
者杖八十家登時
殺死者勿論既執
而擅殺傷者減
凡鬪二等

大功以上及外祖父
母外孫妻父母女婿
孫之婦夫之兄弟及
兄弟妻相為容隱
奴婢雇工為家長
隱勿論漏泄通報
改令外匿亦不坐

亦枉百○官吏公使人等因公務威
逼人致死○若威逼期親尊長

致死者絞大功以下遞減威逼三小功杖百徒三總麻杖百

九十徒○若因姦盜而威逼人致死者斬威逼因姦盜而

死或和奸因有室得將姦婦親屬威逼身死之類謂之

或因竊盜財主欲告反將財主用
計威逼身死之類謂之因盜威逼

尊長為人殺私和○凡祖父母及夫若家長為人所

殺而子孫妻妾奴婢雇工私和者杖百徒三期親尊長

被殺而卑幼私和者杖八十徒二大功以下遞減謂大

七十徒一總麻杖百其卑幼被殺而尊長私和者減一

等謂不限期親總麻卑幼若被人殺而尊
若妻妾子孫

者杖八十受財者詐贓準竊盜論從重科斷從重謂各

受財之罪相較或私和重於受財或受財重於私和各從重罪科之常人私和人命者杖六

十

同行知有謀害○凡知同伴人欲行謀害他人不即阻當

救護及被害之後不首告者杖百

鬪毆○凡鬪毆相爭為鬪相打為毆以手足毆人不成傷者答二成

傷及以他物毆人不成傷者答三成傷者答四青赤種

為傷非手足者其餘皆為他物即兵不用刃亦是拔髮

方寸以上答五若血從耳目中出及內損吐血者杖八

共犯罪者造意
為首隨從減一
等○家人共犯

以穢物污人頭面者罪同折人一齒及手足一指眇人

一目抉毀人耳鼻若破人骨及用湯火銅鐵汴傷人者

杖百以穢物灌入人口鼻內者罪同折二齒二指以上

及髡髮者杖六徒一折人肋眇人兩目墮人胎及刃傷

人者杖八徒二

墮胎謂辜肉子死及胎九十日之外成
形者乃坐雖因毆若辜外子死及胎九

十日之內未成形者各徒本
毆傷法而不坐墮胎之罪

折跌人肢體及瞎人一目

者杖百徒三瞎人兩目折人兩肢損人二事以上

謂人或

一目之瞎又折
一肢之類

及因舊患令至篤疾

如人舊瞎一目為殘
疾更瞎一目成篤疾

或先折一脚成篤疾之類
折一脚成篤疾之類

若斷人舌

謂將人舌割斷令
人全不能說話及

毀敗人陰陽

割去莖物破損外腎
者并杖百流三仍將

者并杖百流三仍將

以次尊長常罪。○又如婦人尊長與男子卑幼同犯雖婦人為首仍獨坐男子。二人共犯一人在逃見獲者稱逃者為首更無證左則決其從罪後獲逃者稱前人為首則鞫問是實還依首論。○若犯罪死發而在逃者眾證明白即同獄成不須對問。

犯人財一斗毆人脊肋者只科其罪不

在斷付同謀共毆傷人者各以下手傷重者為重罪原

謀減一等謂如甲乙二人同謀毆人甲係原謀毆人不

如共聞亂毆被傷者不知下手人名又不知先後輕重

若同謀毆人即以謀首為重罪其不同謀亂毆若因聞

傷者以初聞者為重罪為從及非初聞者減等

互相毆傷者各驗其傷之輕重之罪後下手理直者減

二等至死及毆兄弟姊伯叔者不減謂曰甲乙同謀毆人

毆折一肢乙為從後下手毆瞎一目各得何罪解曰折

跌人支體及瞎人一目者杖百徒三損人二事以上及

因舊患令至篤疾者杖百流三今同謀毆人共傷損二

事甲雖謀首先損一事由乙後下手損其二事甲合坐

杖百徒三合

坐杖四流三

保辜限期○凡保辜者責令犯人醫治辜限內皆因須傷

死者以鬪毆殺人論

謂毆及傷各依限保辜然傷人皆須因毆乃是若打人頭上風從頭

瘡而鬪毆殺人科罪之類以鬪毆殺人科罪

○其在辜限外及雖在辜限內傷

已平復官司文案明白別因他故死者各從本毆傷法

謂打人頭傷不因頭瘡得風別因他病而死者是為他故各依本毆傷科罪如原毆內損墜以內損罪原毆折

傷墜以折傷罪之類若折傷以上辜內醫治平復者減

二等墮胎子死者不減辜內雖平復而成殘廢篤疾及辜限滿

日不平復者各依律全科手足及他物毆傷人者限二

十日以刃傷及湯火傷人者限三十日折跌肢體及破

骨重指皆無問手足也傷皆限五十日

威制綱人○凡爭論事理輕經官陳告若以威力告網

人及於私家拷打監禁者並杖八十傷重至內損吐血

以上各加凡鬪傷二等因以致死者絞加二等謂如監

杖八加二等則杖百若若毆至篤疾者罪止杖百流三不得加入於死若以威力主使人毆

打而致死傷者并以主使之入為首下手之人為從論

減一等謂若以威力主使人毆打雖不下手主使者杖

血至死主使者杖百下手者杖九十之類若

毆制使及丞管長官○凡奉制命出使而官吏毆之及部

民毆丞屬知府知州知縣軍士毆丞管指揮千戶百戶

吏卒毆丞部五品以上長官杖百徒三傷者杖百流二

折傷者絞毆六品以下長官各減三等毆佐貳官首領

官又各遞減篤疾者絞死者斬減罪輕者加凡聞一等

謂如毆六品以下官長減毆制使等官罪三等則是減罪反輕於毆凡人人之罪或減罪與凡人輕重一體故合

加凡聞傷罪一等

相毆追搆人○凡官司差人追徵錢糧勾搆公事而抗拒

不服反毆所差者杖八十若傷重至內損吐血以上及

本犯重者加二等罪止杖百流三

毆受業師○凡毆受業師者加凡人二等死者斬若毆至篤疾者

罪止杖百流三不得加入於死

又卑故家長○凡又卑故家長者皆斬殺者皆凌遲死

長子等長區區
奴婢者各以凡
人論

母者絞傷者斬故殺者凌遲處死過失殺者減毆罪二
等傷者又減一等大功杖八徒二小功杖七徒一半總
麻加毆凡人罪一等小功加二等大功加三等加者加
入於死死死者皆斬若雇工毆家長及家長之期親外祖
父母者杖百徒三傷者杖百流三折傷者絞死者斬故
殺者凌遲處死過失殺傷者各減本殺傷罪二等大功
杖百小功杖九總麻杖八傷重至內損吐血總麻小功
加凡人一等大功加二等死者各斬○若奴婢有罪家
長及家長之期親若外祖父母不告官毆殺者杖百無

毆夫之期親以下
總麻以上尊長與夫毆同
傷卑勿亦同
其毆婦妹夫妻之兄弟及妻毆夫之娣妹夫者以凡論
妻之子毆傷父

罪而殺者杖六徒一若毆雇工非折傷勿論折傷以上

減凡人三等致死者杖百徒三故殺者絞若違犯教令

而依法決罰邂逅致死及過失殺者各勿論謂奴婢雇

令其家長及家長之期親若外祖父母依法決罰邂逅致死及過失殺者各勿論

妻妾毆夫○凡妻毆夫者杖百折傷以上各加凡鬪傷三

等至篤疾者絞死者斬故殺者凌遲處死若妾毆夫及

正妻者又加一等加者加入於死○夫毆妻非折傷勿

論折傷以上減凡人二等至死者絞毆妾折傷以上減

毆傷妻二等至死杖百徒三妻毆傷妾與夫毆妻罪同

妻之子毆傷父

同姓親屬相毆○雖五服已盡而尊卑名分猶存者尊長減凡鬪一等至死者并以凡人論

毆大功以下尊長○凡卑幼毆本宗及外姻總麻兄弟杖

百小功杖六徒一大功杖七徒一半尊屬又各加一等

尊屬與父母同輩者如同堂伯叔父母母姑及母舅母姊類折傷以上各遞加凡鬪一

等罵疾者絞死者斬○尊長毆卑幼非傷勿論折傷以

上總麻減凡人一等小功減二等大功減三等死絞毆

殺同堂弟妹堂侄及侄孫者杖百流三故殺絞依尊長

減等論惟毆至死者不同

毆緦父者杖六
徒一謂先曾同
居今不同居者

毆期親尊長○凡弟妹毆兄姊者杖九徒二半傷者杖百

徒三折傷杖百流三刃傷及折肢瞎目絞至篤疾者亦絞死者皆斬

若侄毆伯叔父母姑及外孫毆外祖父母加一等罪止杖百

流三不得加上入於死刃傷以下上同過失殺傷減本殺傷二等故殺凌遲

處死即卑初與外人謀故殺期親不○兄姊毆殺弟妹

及伯叔姑毆殺侄并侄孫若外祖父母毆殺外孫者杖

百徒三故殺杖百流二過失殺各勿論若毆至篤疾者律既無文并不

罪坐

毆祖父母父母○凡子孫毆祖父母父母及妻妾毆夫之

父祖之尊長毆
父祖只宜救解
不得毆，則作
毆尊長律
夫之父祖共妻之
父祖相毆子孫之
婦不可毆夫之父
祖毆則依本律

六徒一嫡繼慈養母殺者各加一等

非理毆殺杖七徒一

半致令絕嗣絞

故不限毆殺絞

非理毆子孫之婦及乞養異

姓子孫廢疾者杖八篤疾加一等○子孫毆罵祖父母

父母及妻妾毆罵夫之祖父母父母而毆殺之違教決

罰致死過失殺各勿論

父祖被毆○凡祖父母父母為人所毆子孫即救而還毆

非傷勿論折傷以上減凡鬪三等死依常律○若祖父母

母父母為人所殺而子孫擅殺行兇人者杖六即其時

殺者勿論

其父祖子孫相率同謀共毆人者仍依凡人首從論

咸安婢春玉復夫離議

禮與律皆有爲父母復離之文則妻之於夫義無異同本
非闕文且已於其夫逢尤致死之時發狀告官則與元不
告官者有異及其離人相見殘弱女人誠難執捉詣官以
此言之不告官擅殺之罪亦似不當施於此女觀其積慮
處事義烈足以警俗其在朝家勸懲之方有可鑒而無可
罪

被刺

起手
下手

石晉臣起手則善論又手之所歷

戒於婦存此理足解疑

禮典律皆有為父娶復離之文則妻也皆夫義歸其同本

休綱之且已於其夫達之殺死之時發此告官則與元有

告官者有異及其嫁入得見成男女人誠難說此皆官以

此言之不盡官禮殺之罪亦以不常施於此女觀其情

處事義則足以察俗其在朝家勸懲之方有可察而無可

相

說州



